



後村居士詩卷第十六

詩

讀竹溪詩一首

不敢匆匆看暗窓  
幾絕編恭他少陵  
髓饒得奕秋先友  
願低頭  
拜師曾枕膝  
傳已將牌印子牒  
過竹溪邊

甲辰書事二首

捷書猶濕謗書隨  
太息斯人得禍奇  
文舉舊曾稱一鶚  
退之亦  
自喜狐羆彼詭罔  
極身羅織吾意憐  
才力髮然老去眼  
中神駿

少諸君莫恠道林師

往昔曼卿曾奪勅  
後來同甫竟成名  
草茅匹士謀生拙  
槐棘諸

公議法平囚服若為探禹穴明時定不血秦坑何當拜舞雞竿  
了沽酒到羊與壓驚

再和

動而得謗亦名隨生子看來不必奇爾輩真堪弄豺虎君王安  
用獵熊羆人言李白文如錦誰信盧能命若絲回首世間机穿  
惡子歸閉戶有餘師

鵠袍再着姑行法鴈塔重來定策名大尹前呵寬賈島相君十  
反訪州平故溪舊有釣魚石平地今多陷馬坑不信天公囚西  
鳥一鳴會遣百虫驚

三和

自古名高步毀隨誰令做儻更推奇心知吾友必中鵠眼見乃  
翁初夢熊所幸解驂逢晏子不須結客報袁絲古人進德多因

此公治臺卿即汝師

同進多為黃訟屈薄徒苦與賀爭名從教雪犬吠所怪肯學秋  
蟲鳴不平沙虱伺人陰發矢蝦蟆欲客化為坑

玉川答蝦蟆云  
我身化作青泥

坑相逢莫說當時事說着當時尚失驚

四和

一索蕭然五鬼隨竟緣名盛與天奇可曾天下無麟鳳何必山  
中有虎羆蜂蠆尾猶如許毒蜘蛛腹得幾多絲聖賢不校吾家  
法車及蒲騷豈足師

誰謂斯文無定價獨憐之子坐虛名  
主司頭與筆俱點宰物心  
如秤樣平駁馬卻還國西域病鴟墮  
落屋東坑老夫謝絕人間  
事亦為諸賢喜且驚

五和

出門機穽已相隨竟放靈均逐伯奇  
始者蜚層微似蚋俄然擇  
肉及於羆韓詩擇肉於熊羆肯顧兔與狸  
不言快箭穿揚葉却訝長松托兔絲  
敗壞人材由利祿乃知曾點勝顛師

少日父兄夸俊聲後來場屋擅文名  
錦囊久矣憎長吉玉枕幾

於殺阿平

王敦殺平子先取其玉枕

怪底鷗群及魚隊化為虎落與蛇坑可

憐彩翠驚毛羽顧影無言只自驚

六和

對策南宮耻詭隨聊摠腹憤發曾奇並  
驅何異牛同驥獨步方  
知虎畏羆尉汝業儒磨鐵硯輸他擁妓寫烏絲  
區：夢裏爭蕉

鹿笑殺傍人與士師

范老登科猶別姓余公應舉亦更名  
人心何止牙般險世道於

今砥似乎到了赭衣同適市知他白梧欲誰坑

鍾會作天坑白梧欲殺魏兵未

發為魏兵所殺雲端別有冥：翼不受虛弦浪箭驚

七和

妙年文價重和隨不料東家產此奇  
傳者紛：傳有虎詞人往  
往讓于羆探囊已足三年艾補袞那無五色絲  
聞說卜鄰王翰



了長卿安敢出偏師

南京放榜已蜚英北闕傳臚却漏名潛掾八人文最敏

溫飛卿事盡

歸一網氣難平白生作麼教持杆越石爭須已見坑

王愷欲坑劉琨兄弟

莫倚晴天頻吐綬兒童見了又須驚

八和

黠兒陰挾彈丸隨發巧懸知必中奇炮本至微求附驥猶可

畏况生煎

李義山詩封狼生煎生煎

烘燂似蟲群藏絮纏縛如蠶自吐絲

玉汝于成賴渠輩何須挾策遠從師

早知抱璞煩三獻底用操觚角一名歸去驢堪馱子美向來羊

尚記初平里居僅有箠歌卷壁立元無鼓鑄坑說与添了併德

懼從今熟寢不須驚

九和

羣兒孰敢比肩隨翻水成文出愈奇人欲闌弓戕后羿天寧飛

箭中玉巖愛材不忍淹叢棘去惡真如斬亂絲珍重阿蒙宜擊

力此生不可負君師

貫索星明方用事金花帖至枉標名朝無左右客鄒子家有蟬

媛豈屈平忍使衣冠同坐錮未逢間掖自相坑還鄉何止交游

絕鷗鳥逢渠也自驚

十和

一夫倡和翕然隨白晝通都作崇竒割肉直將人餒虎聞聲能

感類求難忍傳先輩逢清雪失喜衰翁有黑絲自古英材須樂  
育謂予不信質先師  
盛德能容人有技伎心尤忘士知名訓狐聲厲憎韓子鸚鵡才  
高累福平斑特隱居幾負局塞鴻奴輩不煩坑客來林下溫前  
話尚得山翁掩耳驚

送實之倅廬陵二首

芻言當日偶然同白首家山各固窮海內僅存一畏友人間遂  
有兩愚公似聞黃閣登迂叟且向青原訪醉翁此士未應無着  
處栖：十載六治中

君去江邊春色濃郡花照席萬枝紅守分風月元非贅吏白文

書但托龍黃本何堪處秦觀白麻近已拜申公早歸了却蘭臺  
史莫久吟詩快閣中

送葉士龍歸竹林精舍

侍講開甥館三間不至奢少曾居北面老只住東家野筍庖尤  
美深衣袞未華何時尋舊路去謁玉川茶  
勉齋依文公以居  
雲叟勉齋高弟也

題李斗南詩卷

君家兩詩人詩名滿天地大者扶宿醒入論金鑿事小者乘天  
風去草玉樓記却後五百年之子豈苗裔柰何不神仙六渡未  
富貴抱瑟諸公門索米長安市

題安仁陳慧父詞卷

已著西山序集端欲添一字愧才慳平生行脚千詩裏歲晚營  
巢萬竹間後有楊雄寧不好世無孔子孰能刪歸舟他日溪邊  
過珍重先生莫掩關

夜讀樂平吳棻書鈔用與伯紀韻

病思羈懷少豫忻暮年猶幸友多聞千枝管秃因稽古一吸芹  
甘欲獻君明主何曾輕撲學後儒大率讀今文藏山俟聖吾儕  
事何必時人好子雲

挽湯仲龍二首

拔起真三秀分飛紙二難怕趨丞相熱寧忍后山寒梅老徒書  
句徂徠不諫官如何令國奕白首局傍觀

計至聳三日悲來贖百身太丘州里化伯起子孫貧零落歐門  
士消磨濮議人殷勤齋掬淚一灑素車塵

無題

主聖如天忍棄遺臣愚何地著孤危白虹貫日殆虛語中野履  
霜無忌辭寶玦已隨屍血浸鐵鞭未必鬼瞽知暮年一寸丹心  
在却恠湖壘有許悲

十一月二日至紫極宮誦李白詩及坡谷和篇因念蘇李  
聽竹時各年四十九予今五十九矣遂次其韻

翰林兩仙人蕭蕭偶來聽風竹蕭蕭玉千竿采綠一掬少時  
負不群中歲乃見獨嗟余長十年所至忘三宿徑當還笏歸奚



俟撰著卜夜即與僂耳老大費往復宜州疑其後路險車又覆  
山中採芝去舍下炊梁熟

答王侍郎和紫極宮詩

侍郎如蒼官歲寒友梅竹步行以當車歌飲不如掬舊人存者  
少靈光歸然獨朝野推意新州間敬齒宿嗟余詩學淺未敢窺  
衛卜衛宏朱絃總一倡白圭費三復共談端平事前局尚堪覆  
願言介眉壽江鄉秫田熟

答庠陵彭士先

昔收昌黎州嘗負君詩債今使番君國又辱君訪速稍訝顏髮  
非因感歲月邁君氣不情歸君詩有光恠乍觀祛目肯徐聽驚

耳曠柰何行推敲不使坐磨載茫々彭蠡津衆水之所匯投竿  
鰲堪釣拔劍鯨可膾茲事要力量斯文極變態吾方困銛甯君  
亦挑布袋人生并合難况復各老大

題弋陽方友民所藏紫岩西山二帖

摩挲妙墨憶微言故篋總餘二帖存往昔翁為紫巖客後來予  
及浦城門晚生多說叅諸老他日誰堪見九原自歎西河索居  
者暮年歸夢遠田園

題方友民詩卷

刪定實惟曾大父文忠况是老先生力行所學斯無愧偶發於  
詩亦有聲合止笙鏞成雅奏扶挑草木示微情嗟予公事君歸



興不得相從細講明

答陳琳伯二首

乃翁良玉不勞攻之子天葩特地紅海道扁舟明日具江東尊  
酒幾時同上樓誰伴老元德驚座今逢小孟公回首暮雲千里  
合有書何處托征鴻

醒處分明世鮮知古人豈是異肝脾謂鰲可釣無傳法視虱如  
輪有悟時老子夢中還說夢即君詩外試求詩向來枉立埋腰  
雪妙在心通不在師

送王允恭隱居

一葉撐來江浪潤兼金却去客囊空都将歲月供丹灶不要功

名上景鐘古有禮羅招處士今無書幣起通翁南陽祇在荊州  
北時一登高乎卧龍

送方時父

向來羞作繞枝飛劉表區區不足依索飯兒嗔即罷出画眉人  
約藁砧歸食魚底處客長缺射虎今方尚短衣老縛一官行未  
得羨君去采故山薇

題朱謙父四時佳致樓

吟者多矣率為環翠卒章下任脚惟張公元德兼取別  
書詩佳興與人同之句以互相發明余不識張公端平  
初同召審張辭不至余所愧也故拙詩本張遺意

四序推移景迭新二詩體認理尤親愛蓮亦既見君子看竹不  
須通主人領畧春風來廣坐分張月色過比鄰端能着我西家  
否客戶何妨贖一民

題宋謙父詩卷

佳山祠畔結茅茨猶記吹埴更和篔簹蘇氏舊稱小坡賦秦家晚  
重少章詩交游一老今華髮疇昔諸昆最白眉子不可來吾欲  
去壁間塵榻拂何時

寄楊休文高士

未答前書每有慙忽收近訊自開緘繳回玉笥山人貌換得金  
門羽客銜石鼎聯詩塵滿硯竹宮應制草盈函可憐予與君俱

錯投老方思卸戲衫

題倪上人詩卷

故交歲晚各西東邂逅斯人慰老窮莫把冠中澆澄觀更添鬢  
髮慳林公強牽謝客為禪客閑伴涪翁作釣翁行矣余方有公  
事異時儻肯訪山中

題羅亨祖叢菊隱居

令君抱送當秋晚手種寒葩占斷清伯始厚顏貪飲水靈均滿  
腹飽餐英要須晚節分香臭寧與朝華角滓榮父老方夸琴調  
古未應高興慕淵明

題餘干姚三錫書鈔

頃傳湯序心傾挹茲得姚鈔手闔開朱子所疑非孔傳漢儒之  
罪甚秦灰時清縱未經遙召歲晚寧無掌故來攬轡遠臣慚力  
薄不能為國論遺材

挽李秀巖二首

耆舊凋零尚秀巖可堪華表揭新街甘泉頌就拋荷索寶苑方  
收入枕函宿昔山人來少室暮年太史滯周南嗟余去連公歸  
晚不得埋腰立雪參

獲麟已後更休論化鶴而歸亦浪言過眼忽看遺老傳終身不

及長公門山房惜未從公擇書局聞曾擬道原

今丞相游公嘗言秀巖欲以史

局見六合苑二千載遠此成無路可招魂

追用南塘韻題尹剛中潛齋

幽士慕鱗潛通人笑蜊蕪誑腸蠶味美節腹筍生添諸老徒推

轂先生且下簾食惟陳籃二餽不費金兼和請招延晚方齋任

進恬緒言傳粹密古調掃穰織紫氣來傍境靈氛告吉占因思

眠雨艇得似曝晴簷無已游坡谷徂徠客粥淹芻言輕一羽未

必動岩瞻

追和南塘韻呈湯伯紀尹子潛

誅南浦了誅餘杭各掩新丘若斧堂不見天球在東序競吹宮  
邃奏西涼後生誰附青雲傳故吏惟餘白首即浩歎縹緲雙鳳  
遠老身如鴈漫隨陽



題蔡炷主簿詩卷

詩作平生崇因而廢不為君豪頓挑戰吾老怯交綏哨騎來無  
定網船發尚遲日長無職事半是撚髭特

又七言

舊止四人為律體今通天下話頭行誰編宗派應添譜要續傳  
燈不記名放子一頭嗟我老避君三舍與之平由來作者皆攻  
苦莫信人言七步成

題汪道士雲菴

觸石總膚寸垂天忽怒飛道人不出戶笑汝出還歸

次韻湯伯紀送別二首

尚在朝廷記憶中敢於父命擇西東獨憐家有百歲母可使人  
嗤六十翁芟製子能華歲晏尊羨吾亦感秋風書成歲向深山  
裏莫費君王遣所忠

比似莆杭傾蓋時更崇古雅黜新奇久棲衡泌寧非樂不倚門  
牆未易麾析理自應重講席論文吾合豎降旗撫絃欲奏成三  
歎何處而今有子期

餞送高大著出鎮嚴陵

抗疏名揚易翻身出畫難無家歸蜀道有教管嚴灘席藁臣言  
慙分茅聖度寬空令同館士極目誌帆竿

進經筵講禮記徹章詩



惟王建邦國以禮定乾坤大分嚴堂陛彌文極冠昏徐行非曰  
遜函拜不為文臣豈容私量人誰越短垣秦惟捐則覆魯以秉  
而存制備周京奠儀成漢帝尊民彝何可泯經籍未嘗燔明主  
親臨決諸儒共講論禪謀設求野戴聖自專門及學方垂範冊  
書盡塞源四篇殊建武百問陋開元會粹新編鉅英夷聚訟繁  
但辭羞狗曲小辨戒程言舞蹈威顏近傳宣詔語溫昭回澆犧  
畫燕衎洽克樽寶帶放藏府名駒出大宛揀持口象版烹啜試  
龍團羈賤均蝼蟻清華綴鸞鴛設聞慚倚席朽質謬乘軒咕嗶  
無嘉頌將何報上恩

恭和 御製禮記徹章詩

臣某恭惟 皇帝陛下蹈堯稽古法禹惜陰臨政已二  
紀於茲典學靡一朝而輟屬者禮經徹卷講席第勞賜  
御府之珍藏張鈞天之廣譙被以昭回之飾洋乎雅正

之音其在宮庭已踐成湯制心之訓及形翰墨不忘孔  
氏克己之言皆 上聖知行之所充非諸儒誦說之能  
贊臣猥從遠服甫侍細旃夫何蝼蟻之微忽覩龍鳶之  
妙非但詫殊榮於流輩又將傳至寶於子孫仰止明良  
方賡喜哉之作退惟狂簡輒裁斐然之章謹昧死仰和  
聖製一首陳謝以聞臣無任瞻天仰聖激切屏營之至

臨決遺經自聖衷固殊野外與淹中五三典禮勤稽古十六星

霜久積功倚席居然慚寡淺登床安敢紊卑崇  
防民不在文為末端繫宮庭實踐克

丁未春五首

端平淳祐兩奴上過眼光陰掣電同六十一翁無出理孤山長  
寄夢魂中

生死榮枯一付天誰能裸露自求全  
數勤寄語袁司隸濫及無  
鬚或可憐

道是生薑樹上生不應一世也  
隨聲暮年受用克夫語莫與張  
程幾箇爭

屢批龍鱗眷未衰孤臣萬死負恩私  
玉階方寸從容語惟有天

知與上知

朝領諸儒上木天夕同野老話茅椽  
何須支枕思殘夢宮錦漁  
叢總偶然

和鍾子鴻二首

匹雛欲拔倭山難還救區區慕守官  
將虎自憐餘勇在押鷗似  
責昔盟寒新麻斲脆母容草墮  
甌迴頭不更看老子平生差耐  
事肯於得喪置悲歡

清吟頗覺續貂難銜袖勤於贊  
熟官恠子輪車行地遠愧子門  
戶似冰寒春染禮數呼兒具覆  
醬文章怕客看老去商歌聲滿  
屋孰云野處寂無懽

題端溪王使君詩卷

社友凋零雅道窮使君於此信英雄性情所發前無古騷選雖  
高不必同蚤日甫曾懷渭北暮年立只在家東何時偃伯興文  
治盡採新吟獻法宮

疊前韻謝元遠

愈叩新心愈不窮小儒氣索敢爭雄安知太白心腸異但見曹  
公口鼻同顧我牢愁來澤畔放君獨步向江東南朝人云江東  
無我卿當獨步  
他時應制金臺殿定有蛾眉妬入宮

三疊

文字無窮才有窮可能纖艷敵渾雄早知大將壇場峻晚作鄰

翁保社同臣向讐書曾殿北本傳石渠在君公避世且墻東後漢

避世墻東男兒遇合由時命豈必詩名滿六宮

挽陳惠伴

昔預八仙飲深知七子才云何埋玉樹不復倒金壘錦製曾三

試羅浮欠一來吾衰殘慚誅筆搔首寄餘哀

挽姚循川直夫元泰之弟

太息龍川守專城美績傳方聞歌叔度俄有謗文淵舊府黃茅  
外新立紫帽邊二姚俱已矣懷昔一悽然

荔支感熟四絕

繡行鄉國詫兒童錦綦宮城擅長雄看取後村真富貴屋山丹



繪半天中

曾攀玉李青冥上亦摘蟠桃縹緲邊定是三生有靈骨誦歸猶  
作荔支仙

牡丹姚魏荔方陳歐蔡亡來罕識真縱使有文堪續譜未知楷  
法屬何人

吳兒一夏甌生塵染藕炊菱不療貧安得風樞馳萬楫屬饜菜  
色覓腸人

石塘感舊十絕

浮空紫氣何須尔度世金丹豈有之函谷不煩關尹出城南莫  
遣楸精知

鹿門陳迹有餘哀獨記龐公返自崖行到當時相送處不知老

淚自何來余往來甥館外舅未嘗相送  
惟戊子悼亡而歸送至延慶

沈郎院閉綠雲收寂寞秋花折樹頭鬢取斷絃來世續此生長  
抱百年愁

此丘會泣別瞿曇秦失三號弔老聃自笑此翁非鉄漢白頭來  
此苦同參

驚邊雪映眼中花更閱人間幾歲華丁未老人開七袞尚携雞  
絮到君家

光霽丰標今寂滅靈明根性詎消磨夜來一段佳風月不見堯  
夫只見窩



三塋相望一牛鳴來掃新松百感生季札旋封立哭墓晉人謬  
謂聖忘情

禪學年來亦自衰大叢林屬小閣黎寒翁庵子如蝸殼却有弥  
天釋住持

中軍晚歲甥辭去左相今朝客不來看取少林誠長老死生林  
下伴寒齋

久作遼天獨鶴飛鏡寫餘念尚依二荒山野水蘇溪路愁絕解  
翁挈影歸

九日登辟支岩過丁元暉給事墓及仲弟新阡二首

絕巔萬籟靜沉二重倚闌干感慨深古佛龕中苔上面故交宰

上榭成陰山無白額妨幽討野有黃花且滿斟莫恠徘徊侵暮  
色老人能得幾登臨

歷二向時游覽處重來年已迫桑榆大衾尚欲同林下華表安  
知忽路隅自古曾悲摘瓜蔓即今不共採茱萸人生患不高年  
尔到得年高萬感俱

題林璞經屬平寇錄

倏尔蜂窩起俄然鼠首梟果能歌競病不枉事嫖姚瘴嶺收氛  
稜朝家賞爛焦祝君深養勇稍北有天驕

季父習靜哀詩四首

閩洛源流遠乾淳輩行尊一檠常對卷二簋亦開樽緜素幾空

卷玄纁不及門異時遺逸傳誰定訪丘園

憶在嬰兒日常依少父傍不嗔仲容小猶記阿宜長誨語祛蒙  
吝埋辭愧惰荒從今有疑義無復叩山房

習靜先生子劉子新行即此是標題便無華表翔雙鶴不有生  
芻藉隻雞在昔陶潛處書士從他孟德揭征西原頭一慟閑倫  
紀始信彭殤未易齊

易學紛々各著書獨於師說著功夫涪翁舊傳七分止邵子先  
天一畫無不遺耆英陪講讀空留章句授生徒即今黃策方施  
用始可藏山待後儒

工部弟哀詩二首

忽然吹散恨難平六十年間老弟兄春草池塘成昨夢夜床風  
雨付來生歸謀甫里田差晚去與端溪石共行部曲出門情態  
異不如籠鶴有哀聲

去歲書來欲解麾數行遺墨半傾欵斑衣不遂娛親志白髮因  
吟哭子書讓棗猶如前日事摘瓜空抱暮年悲情知哀淚無堪  
滴原上寒砧若死吹

挽方德潤寶學三首

龔勝乘車晚陽城伏閣初白云臣語聽不是上恩踈黃壤全名  
節青編載諫書始知年與德造物有乘除

憶被烏臺劾聃非傳偶同誓言拚萬死明詔赦孤忠全沾皆英

主淹留各秃翁傷心古遺直不返瘴雲中  
晚賜延和對言公去國深遂良垂白髮臣甫抱丹心馳驛無銀  
信移麾有玉音遙知遺奏上未免動宸襟

挽方孺人一首 寶學之女

壺範經親授笄年詠好速謂迎荷索返豈料薜華休斷鴈元方  
恨離鴛小采愁鄰翁憊無力不及送原頭

陪諸先輩題名登春臺耀軒即席次故相陳魏公韻某繼

作

臺荒屋老閱人深拂拭留題重整襟科目一朝來券外姓名三  
世在碑陰公孫晚歲叨明詔袁氏當年費苦吟報與曲江先輩

道老婆非復少時心

鰲頭唱首各高深才薄難披作賦襟已覺鶯花成一夢尚貪螢

雪競分陰即今空負臺萊意宿昔曾賡殿閣吟北望鈞天搔白

首區區終有祝堯心

答循倅潛起

別後書稀夢亦稀忽傳尺素到柴扉不知天驥方徐步將謂雲  
鵬久怒飛句律新新過似舊姓名略是復疑非長官仙去賓朋

散存者依稀有杜微

亡友鄭君瑞為閩清宰君  
為主簿余始識君于縣

過季父新阡

父兄供映漢藜青獨老青山聚凍螢生不肯扶靈壽杖死堪上



應少微星向來枕膝傳師學未後懸棺合禮經惟有書房舊時  
月夜深得日照踈樞

後村居士詩卷第十六

後村居士集卷第十七

詩話上

故事經筵徹章宸翰賜講讀官詩率取前人絕句淳祐丙午講  
禮記畢賜宴秘書省御製七言唐律一首云鰲極開先已降  
表上天下澤禮居中三千義理維持力萬世綱常建立功孔聖  
法言多纂輯漢儒師學共修崇經帷講徹資群彥克己功夫在  
廣克詩既雄渾而奎文絢爛行草道麗各為一體侍讀少師鄭  
公以下拜賜者十有四人克莊與馬徹章賜御製詩自  
今上始

施辰濊上鱸鮪發上葭莢揭上庶姜孽上庶士有竭鄭氏曰庶



姜謂姪娣董氏曰庶士謂媵臣毛氏曰孽也盛飾余始悟屈原  
九章云魚鱗兮媵予之意本此

詩四言尤難以三百五篇在前故也韋氏云誰謂華高企其齊  
而誰謂德難厲其度而使經聖筆亦不能刪也

曹公短歌行末云山不厭高海不厭深周公吐哺天下歸心且  
孔融楊脩俱斃其手操之高深安在身為漢相而時人目以漢  
賊乃以周公自擬謬矣

魏文帝善哉行云人生如寄多憂何為今我不樂歲月如馳當  
操無恙植以才倉舒以惠幾至奪嫡謂之多憂可也及受漢禪  
足快其所大欲矣帝既猜阻鮮懼而諸侯王就封者皆為典籤

侵迫多見削奪其末命乃托國於狼顧之仲達是帝之憂至死  
未已何時而可樂乎

曹植以蓋代之才他人猶愛之况於父乎使其稍加智巧奪嫡  
猶反手尔植素無此念深自斂退雖丁儀等坐誅辭不連植黃  
初之世數有貶削方且作詩責躬上表求自試兄不見祭而不  
敢廢恭順之義卒以此自全可謂仁且智矣文中子曰至哉思  
王以天下讓負篤論也贈白馬王彪云丈夫志四海萬里猶比  
鄰恩愛苟不虧在遠分且親何必同衾情然後展殷勤憂思成  
疾疾無乃兒女仁倉卒骨肉情能不懷苦辛末云離別永無會  
執手將何時王其愛玉體俱享黃髮期於時諸王凜不自保

子建此詩憂傷忼慨有不可勝言之悲詩中所謂蒼蠅間白黑  
終巧令親踈蓋為灌均輩發終無一毫怨兄之意處人倫之變  
者當以為法

彰以驍勇斃植以文義全蓋正所忌非文人也使蒼舒在却未  
必可存倉舒天操謂五輩曰我之不幸汝輩之幸也此語失父  
道矣豈所以愛倉舒哉陸機弔魏武文云曩以天下自負今以  
愛子托人其言甚可悲也

嵇康幽憤詩云性不忤物頻致怨憎按康傲鍾會不與語與山  
濤書自言薄固孔而非湯武其所忤也大矣子元子上見書自  
無可全之理况加以士季乎雖欲采薇散髮願性養壽豈可得

也

四言自曹氏父子王仲宣陸士衡後惟陶公最高停雲滌木等  
篇殆突過建安矣

五言見於書詩如元首叢脞哉胡為乎泥中之類非始於蘇季  
也武別陵云欲展清商曲念子不能歸又云願為雙黃鵠送子  
俱遠飛陵雖萬無還理武尚欲拔之以歸漢忠厚之至也

康樂稱太傅為宗袁子建稱孟德為家王皆自我作古嵇康以  
非湯武三字殺身如韓亡子房奮秦帝魯連耻之句謂之反形  
已具可也康樂安得全乎然康樂若以改物為耻竊負而逃可  
也為淵明亦可也既仕宋乃欲為子房魯連於誼未有所安夫悲



阮嗣宗云寧為燕雀翔不隨黃鵠飛黃鵠遊四海中路將安歸  
蓋歎時人之安於卑近而自傷其才大志廣無所稅駕非謂士  
之抗志甘為燕雀而已嵇阮齊名然勸進表叔夜決不肯作  
文章正宗初萌芽西山先生以詩歌一門屬予編類且約以世  
教民彝為主如仙釋閨情宮怨之類皆勿取予取漢武帝秋風  
詞西山曰文中子亦以此詞為悔心之萌豈其然乎意不欲收  
其嚴如此然所謂携佳人兮不能忘之語蓋指公卿群臣之扈  
從者似非為後宮設凡予所取而西山去之者大半又增入陶  
詩甚多如三謝之類多不入  
詩至三謝如玉人之攻玉錦工之織錦極天下之工巧組麗而

去建安黃初遠矣

陶公如天地間之有醴泉慶雲是惟無出也則為祥瑞且饒坡  
公一人和陶可也

潘岳云春榮雖不慕歲寒良獨希若能却願長慮者然身游金  
谷以賈謚石崇為托歲寒之地悲夫

謝康樂有擬鄴中詩八首江文通有擬雜體三十首名曰擬古  
往也奪真亦猶退之琴操真可以絃廟瑟子厚天對真可以答  
天問今人號為摹擬某作求其近似者少矣

贈盧諶詩前歷叙霸王之佐下云中夜撫枕歎思與數子遊又  
云功業未及建夕陽忽西流時哉不我與去乎若雲浮昔蒯通



讀樂毅之書而泣余於越石此詩亦然前作有甚拙者劉越石云宣尼悲獲麟西狩涕孔丘兩句一事也阮嗣宗云多言焉所告繁辭將訢誰兩句一意也然不以瑕掩瑜

宋少帝前溪曲云黃葛生爛熳誰能斷葛根寧斷嬌兒乳不斷即敦勤其才思乃在陳後主隋煬帝之上

魏文帝有見輓船士新婚別妻詩一首庶幾熠燿宵行蠨蛸在戶之遺意呂東萊馬嵬詩云錦襪千年恨皇輿萬里程寧知輓船士亦有別離情輓船事與馬嵬不相涉而善用之如此

焦仲卿妻詩六朝人所作也木蘭詩唐人所作也樂府惟此二篇作叙事體有始有卒雖詞多質俚然有古意徐陵所序玉臺

新詠十卷皆文選所棄餘也六朝人少全集雖類此書略見一二然賞好不出月露氣骨不脫脂粉雅人莊士見之廢卷昔坡公笑蕭統之陋以陵觀之愈陋於統如沈休文六憶之類其褻嫚有甚於香奩花間者然則自國風楚辭而後故當繼以選詩不劣之論也

唐初王楊沈宋擅名然不脫齊梁之體獨陳拾遺首倡高雅冲澹之昔一掃六代之纖弱趨於黃初建安矣太白韋柳繼出皆自子昂發之如世人拘目見酣酒笑母經崑崙有瑤樹安得采其英如林居病時久水木澹孤清閑卧觀物化悠々念群生青春始萌達朱火已滿盈徂落方自此感歎何時平如務光讓天

下商賈競刀錐已矣行采芝萬世同一時如吾愛鬼谷子青藜  
無垢氛囊括經世道遺身在白雲舒可彌宇宙卷之不盈分豈  
徒山木壽空與麋鹿群如臨岐泣世道天命良悠々昔日殷王  
子玉馬遂朝周寶鼎淪伊穀瑤臺成古丘西山傷遺老東陵有  
故侯蟬蛻翰墨畦逕讀之使人有眼空四海神遊八極之興  
杜審言夜宴云酒中堪累月身外即浮雲登襄陽城云焚山橫  
地出漢水接天迴妾薄命云啼鳥驚殘夢飛花攪獨愁杜氏句  
法有自來矣

杜五言感時傷事如親朋無一字老病有孤舟如敢料安危體  
猶多老大臣如不愁已道路恐濕漢旌旗其用事琢對如須為  
下殿走不可好樓居如竟無宣室召徒有茂陵求如魯衛弥尊  
重徐陳畧喪亡八句之中着此一聯安得不獨步千古若全集  
千四百篇無此等句為氣骨篇都做圓荷浮小葉細麥落輕花  
道了則似近人詩矣

古人感知已之過季布奏事彭越頭下減洪盧諶皆不以主公  
成敗而二其心叔季所謂賓客方翕々勢時則趨附恐後及時  
異事改則振臂而去至有射羿者世傳嚴武欲殺子美殆未必  
然觀老親如宿昔部曲異平生之句極其悽愴至位置武於八  
哀詩中忠厚藹然異於幕府少年今白髮之作矣李義山過舊  
府有寄諸掾詩云莫憑無鬼論終負托孤心猶有門生故吏之



情可以矯薄俗

唐人喜形容人情物態杜公云已經十日竄荆棘困阨極矣然  
腰下寶珠青珊瑚終不解去何也義山云不收金彈拋林外却  
憶銀床在井頭亦曲盡貴公子之憨態若貫休輩自拳五色球  
迸入他人宅却投蒼頭奴玉鞭打一百之句拙但甚矣  
太白古風云大雅久不作吾衰竟誰陳王風委蔓草戰國多荆  
榛龍虎相啖食兵戈遠狂秦正聲何微茫哀怨起騷人揚馬激  
頽波開流蕩無垠廢典雖萬變憲章亦已淪此今古詩人斷業  
也黃河走東溟白日落西海逝川與流光飄忽不相待春容捨  
我去秋髮已衰改人生非寒松年貌豈長在吾當乘雲螭吸景

駐光彩西上蓮花山道見明星素手把芙蓉虛步躡太清俯  
視洛陽川茫茫走胡兵流血塗野草豺狼盡冠纓此六十八首  
與陳拾遺感過之作筆力相上下唐諸人皆在下風

古人服善太白過黃鶴樓有眼前有景道不得崔顥題詩在上  
頭之句至金陵遂為鳳凰臺詩以擬之今觀二詩其敵手棋也  
若他人必次顥韻或於詩版之旁別着語矣

玉川子貧甚僧送米令割俸其家必無蓋葢一婢赤脚必無妹  
麗所訟惡少騎屋下瞰未必盡然既為捕笞惡少不以為德反  
謂處置未是他人處此必怒退之乃巽詞謝之為其招之玉川  
赴其約又先致雙鯉亦不之却舊史稱退之性崛強以玉川事



觀之乃一委曲人也然其與憲宗爭佛骨與御史中丞爭李紳  
爭臺參與王庭湊爭牛元翼與河南尹鄭相爭賣餅軍人則殺  
然不可奪強於大節而委曲於群碎此其所以為退之歟  
李翱張籍皇甫湜皆韓門弟子翱妻又會女也故退之皆名呼  
之如云李翱觀濤江又云籍湜輩然翱祭退之文乃稱為兄師  
弟子始未論兄妻之諸父可乎籍祭詩云而後之學者或號為  
韓張有抗衡之意湜作墓碑云公疾諭湜曰死能令我躬不隨  
世磨滅者惟子以為屬退之乃賴湜而傳耶近世推黃配蘇亦  
類此  
退之性喜玩侮如呂醫山人之類固可侮揚之果侯喜諸生也

而況之果以栢馬又借釣魚嘲喜云舉竿引線忽有得一寸鱖  
分鱗與馨盧全張籍之齒長矣於盧則云先生抱材終大用宰  
相未許終不仕形容其迂濶不少貸於籍則云君乃崑崙渠籍  
乃嶺頭瀧譬如蟻蛭微詎可陵崕岼贈崔立之云朝為百賦猶  
鬱怒暮作千詩轉道緊若服其敏者下句却云才豪氣猛易語  
言往々蚊蝮雜螻蛄則多而不精可以槩見其於詩人中惟東  
野文人中惟子厚稍加敬

唐僧見於韓集者七人惟大顛顛師免嘲侮高閑草書頗見貶  
抑如惠如靈如文暢如澄觀直以為戲笑之具而已靈尤跌蕩  
至於醉花月而羅婢媚此豈佳僧乎韓公方且欲冠其顛始聞

澄觀能詩欲加冠中及觀來謁見其已老則又潛然惜其無及所謂善謹而不為虐者耶

柳子厚才高他文惟韓可對壘古律詩精妙韓不及也當舉世為元和體韓猶未免諧俗而子厚獨能為一家之言豈非豪傑之士乎昔何文縝嘗語李漢老云如柳子厚詩人生豈可不學他做數百首漢老退而歎曰得一二首似之足矣文縝後徙北狩病中詩云歷上通前劫依上返舊魂人生會有死遺恨滿乾坤雖意極忠憤而語不刻急亦學柳之驗

呂溫坐任文黨黜守道衡二州卒於衡柳子厚誄之曰遷理於道民服休嘉賦無吏迫威不刑加又言二州之人哭者踰月坡

公謂溫小人何以得此然余觀溫集送江革毛令絕句云布帛精麤任土宜疲人識信每先期今朝臨別無他囑雖是蒲鞭也莫施太守送縣令之言如此則子厚所書非溢美矣今世士大夫笑溫者比肩及為二千石屬縣能督賦者蒙殊獎負斂者受嚴譴有能為溫此言未見其人也

呂溫詩云天下起兵誅董卓長沙義士最先來荆公云江東子弟多才俊捲土重來未可知皆可以倡東南勇敢之氣

王建新嫁娘詩云三日入廚裏洗手作羹湯未諳姑食性先遣小姑嘗張文潛寄衣曲云別來不見身長短試比小郎衣更長二詩當以建為勝文潛詩與晉人參軍新婦之語俱有病



劉長卿七言云欲掃柴門迎遠客青苔紅葉滿貧家魏野林通  
不能及也

洛神賦子建寓言也好事乃造甄后事以實之使果有之當見  
誅於黃初之朝矣唐彥謙云驚鴻瞥見游龍去虛慙陳王一事  
無似為子建分踈者

唐人叙述奇過如后土夫人事托之韋郎無雙事托之仙客鶯  
、事雖元稹自叙猶借張主為名惟沈下賢秦夢記牛僧孺周  
秦行記李群玉黃陵廟詩皆攬歸其身名檢掃地矣

古樂府云新婦初來時小姑始扶床今日被驅遣小姑如我長  
回頭語小姑勿嫁似兄夫庶幾哀而不怨矣

雍陶送春詩云今日已從愁裏去明年更莫共愁來稼軒詞云  
是他春帶愁來春歸何處却不解和愁將去雖用前語而反勝  
之

唐失河湟未久司空圖詩云漢兒盡作胡兒語却向城頭罵漢  
人燕山自石晉割棄至本朝宣和歷年多矣議者猶以燕人思  
漢籍口卒召狄難

劉言史贈成鍊師云大羅過却三千歲更向人間魅阮郎此女  
道士豈魚玄機之流欵唐人多不矜細行李群玉有龍門寺佳  
人阿巖歌云何須同秦寺然後始為奴其放潑如此夫陶寫性  
情如閑情賦可也過則為群玉矣



唐人多傳盧仝因留宿王涯第中遂預甘露之禍仝老無髮鬪  
人於腦後加釘焉以為添丁之讖或言好事者為之仝處士與  
人無怨何為有此謗然平時切齒元和逆黨月蝕一詩贈矣一  
人曰意者群閹因此害之太平廣記載孝廉許生過四大夫與  
白衣叟會飲於甘棠館西噴玉泉四人謂叟曰玉川來何遲叟  
舉壁間所見詩座中間之皆擁面欲慟已而叟與四人者各賦  
一篇蓋王涯賈餗舒元興李訓與仝之鬼也按甘露之謀涯餗  
不預元興訓雖狂踈敗事其志與陳蕃竇武宋中錫何異得罪  
於群閹則有之於社稷無負也身與其宗既菹醢於寺人之手  
終唐之世名與叛逆同科僅嘗收葬群閹又使人發之投骨

渭水子孫或逃依劉從諫苟活旦暮甚可憐矣及澤潞平被害  
無噍類詔書猶謂之逆賊之後此何理也李文饒竇當國政刑  
如此豈畏閹人耶抑有宿憾於涯輩耶至昭宗危亂中始有雪  
涯等之詔噴玉泉詩云李固有冤蔽靈簡鄧攸無子續清風又  
云雖有衣衾蔽李固終無表疏雪王章皆可傳誦白衣叟所舉  
壁間詩云六合茫茫皆漢主此身無處哭田橫妙甚此必是涯  
元興門生故吏所作

杜牧之間慶州趙縱使君與党項戰死詩云將軍獨乘鉄驄馬  
榆溪戰中金僕姑死綏却是古來有驕將自驚今日無青史文  
章爭點筆朱門歌舞笑捐軀誰知我亦輕生者不得君王丈二

及皇祐中僕賊犯康州闔郡潰去惟守臣曹觀死之妻方產子  
棄之草間亂後訪之尚啾然諸公哀誄惟元厚之云轉戰譙  
門日欲脯空拳猶自把戈鉄身垂虎口方安生命在鴻毛更疾  
呼柱下杲卿存斷節袴中杵印得遺孤空餘三尺英雄氣不愧  
山西士大夫欲與牧詩並驅

樊川集中有李給事詩云元禮去歸維氏學江克未見犬臺宮  
又云可憐劉校尉曾訟石中書李名中敏嘗論鄭注免歸又忤  
仇軍容棄官二聯可謂善用事矣

劉夢得五言如蜀先王廟云天下英雄氣千秋尚凜然勢分三  
足禹業復五銖錢得相能開國生兒不象賢淒涼蜀故妓歌舞

魏宮前八陣圖云軒皇傳上略蜀相運神机水落龍蛇出沙平  
鵝鶴飛波濤無動勢鱗介避餘威會有知兵者臨流指是非中  
秋云星辰讓光彩風露發晶英能變人間世儻然是玉京七言  
如洛中寺北樓云高樓賀監昔曾登壁上筆蹤龍席騰中國書  
流讓皇象北朝文士重徐陵偶因獨見空驚目恨不同時便服  
膺惟恐塵埃轉磨滅再三珍重囑山僧西塞山懷古云西晉樓  
船下益州金陵王氣漠然收千尋鉄鎖沉江底一片降幡出石  
頭人世幾迴傷往事山形依舊枕寒流今逢四海為家日故壘  
蕭蕭蘆荻秋哭呂溫云遺草一函歸太史孤墳三尺近要離金  
陵懷古云山圍故國周遭在潮打空城寂寞回皆雄渾老蒼沈



着痛快小家數不能及絕句尤工

夢得貞元間已為郎官御史牛相方在場屋投贄文卷夢得飛  
筆塗竄牛既貴未能忘有曾把文章謁後塵之句夢得答云初  
見相如成賦日後為丞相掃門人且飭諸子以已為戒然和令  
狐相云鮮有一身兼將相更能四面占文章則依然故態此詩  
幸次楚韻若施之於絢豈止掇兔葵燕麥之怒哉同時八司馬  
皆高才一斥不復或各時宰無樂育意惟新史謂貪帝病昏抑  
太子之明深當其罪後裴度為夢得免播州之行憲宗怒尚未  
解非但諸公忌才也

夢得歷德順憲穆敬文武七朝其詩尤多感慨惟在人雖晚達  
於樹比冬青之句差閑婉答樂天云莫道桑榆晚為霞尚滿天  
亦足見其精華老而不竭

莫徭自生長名字無符籍市易雜鮫人婚姻通木客星居占泉  
眼火種開山脊夜渡千仞谿含沙不能射蛩語鉤輶音蛩衣斑  
爛布熏狸握沙鼠時節祠盤歎忽逢乘馬客恍若驚膚顧腰斧  
上高山意行無舊路此劉夢得莫徭蠻子詩也世傳坡詩始學  
夢得觀此二詩信然

元稹詠估客云尔又生兩子錢刀何歲平薛郁和蕃詩云君王  
莫信和親策生得胡雛患更多往年黑風峒賦賦首詐降朝家  
以通直即鎮南僉幕招之不出使其弟來吉州謁帥以角妓



奉之豐宅之戲云遺下賊種奈何

唐彥謙寒食五言微曰潑火雨草曰踏青人本朝王元之禹偁亦用潑火雨

牧之譽阿宜義山譽袁師後二兒皆無聞退之不譽子姪直言阿買不識字

李義山荅令狐補闕云人生有通塞公等繫安危於升沉得喪之際婉而成章簡齋南渡初被召東同時召客云共談太極非無意能繫蒼生本不同則氣象益開濶矣

唐任藩詩存者五言十首而已然多佳句衆鳥已歸樹旅人猶過山贈僧云半頂髮根白一生心地清居然可愛今人動為干

百首而無可傳者

薛能詩格不甚高而自稱譽太過五言云空餘氣常在天子用平人不但自譽其材然位歷節鎮不為不用矣卒以驕恣陵忍債軍殺身其才安在妄庸如此乃敢妄議諸葛可謂小人無忌憚者

揚州在唐時最繁盛故張祐云人生只合揚州死蜀都在本朝最繁盛故放翁云不死揚州死劍南

杜牧許渾同時然各為體牧於唐律中常寓少拗峭以矯時弊渾則不然如荆樹有花兄弟樂橘林無實子孫忙之類律切麗密或過牧而抑揚頓挫不及也二人詩不著姓名亦可辨

樊川有續別集三卷十之八九皆渾詩收佳句自多不必又取他人詩益之若丁卯集割去許多傑作則渾詩無一篇可傳矣收仕宦不至南海別集乃存南海府罷之作甚可笑韋蘇州詔舊云昔事武皇帝無賴恃恩私身為里中橫家藏七命兒朝携樽蒲局暮竊鄰家姬司隸不敢捕立在白玉墀此蓋常公身在三衛日擊其類如此非自謂也王建羽林行亦云長安惡少出名字樓下奴商樓上醉天明下直明光宮散入五陵松栢中百回殺人身合死赦書尚有收城功九衢一日消息定鄉吏籍中重改姓出來仍舊屬羽林立在殿前射飛禽可與常詩互看常詩律深妙流出肝肺非學力世言其所至掃地焚香

而坐不應為人老少頓異可見前詩寓言尔

子美送孔巢父云若逢李白騎鯨魚道甫問訊今何如蓋李杜與巢父一輩人也又云詩卷常留天地間釣竿欲拂珊瑚樹則巢父亦能詩者偶失傳尔子美問閔亂離挺節無所污巢父後歿王事惟太白坐永玉璘事流夜郎按璘嘗辟巢父而巢父不應可見太白當時去就久商量也新史謂白佐璘起兵頗似文致但不當就其辟尔

李遠贈馮御客李長史云初分陰準山河秀再點重瞳日月明極工及坡公仰觀眩晃日生暈但見曉色開扶桑迎陽晚出步就座絳紗玉斧光照廊野人不識日月角髻髻尚記重瞳光之



篇一出光焰萬丈視遠所作真小兒語

歐陽率更貌寢長孫無忌嘲之云誰令麟閣上畫此一獼猴好事者遂造白猿之說謗及其親

鄭畋名相父亞亦名卿或為李娃傳誣亞為元和畋為元和之子小說因謂畋與盧携並相不咸携詬畋身出倡妓按畋與携皆李翱甥畋母携姨母也安得如娃傳及小說所云唐人挾私忿騰虛謗良可發千載一笑亞為李德裕客白敏中素怨德裕及亞父子娃傳必白氏子弟為之托名行簡又嫁言天寶間事且傳作於德宗之真元追述前事可也亞登第於憲宗之元和畋相於僖宗之乾符豈得預載未然之事乎其謬妄如此如周

秦行紀世以為德裕客韋絢所作二黨真可畏哉

張籍還珠吟為世所稱然古樂府有羽林郎一篇後漢辛延年

所作云昔有霍家奴姓馮名子都依倚將軍勢調笑酒家胡

姬年十五春日獨當壚長裾連理帶廣袖合歡襦頭上藍田玉

耳後大秦珠兩鬟何窈窕一世良所無不意金吾子娉婷過我

廬銀鞍何煜爚翠蓋空踟躕貽我青銅鏡結我紅羅裙男兒愛

後婦女子重前夫人生有新故貴賤不相踰多謝金吾子私愛

徒區區籍詩本此然青於藍

選宮人入道唐人多有此作荆公止選項斯一首云願從仁女

董雙成王母前頭作伴行初戴玉冠多謾拜欲辭金殿別稱名



將敲碧落新齋磬却進昭陽舊賜筵且暮焚香繞殿上步虛猶  
作按歌聲未脫唐體也常蘇州詩家最高手亦有此作云捨罷  
求仙畏色衰辭天素面五天墀金丹擬駐千年貌寶鏡休勻八  
字眉公主與收珠翠後君王看戴角冠時從來宮女多相妬聞  
向瑤臺總淚垂絕不類常詩與斯輩竟何以異風俗移人如此  
或是常公戲傲時人體爾  
牛竒章有夜入真珠室朝游玳瑁宮之謗張祐上牛相云四  
十便封侯名居第一流下有綠鬟紅粉之語末云知君年少貴  
不信有春愁蓋前詩非謗矣  
牛李嗜好如水炭惟愛石則如一人然贊皇生相門無聲色之

好竒章起寒士備貴人之奉不及贊皇遠矣

唐詩人與李杜同時者有岑參高適王維後李杜者有常柳中  
間有盧綸李益兩皇甫五竇最後有姚賈諸人學者學此足矣  
長慶體太易不必學王逢原題樂天墓末云若使篇章深李杜  
竹符還不到君分豈亦病其詩之淺耶

王鐸盡忠唐室奮討巢賊初節與鄭畋畧同大功垂就令致問  
之於內解其都統鐸詩云三塵上相逢明主九合諸侯愧昔賢  
可謂慨然有志者然居亂世要須十分清苦庶可自全孔明躬  
耕娶阿承醜女相蜀不殖產其慮深矣鐸當國家板蕩之際居  
將相袞鉞之任乃携妓妾輜重漫藏冶容行於席狼之都三百

口遂併命於高難泊哀哉

後村居士集卷第十八

詩話下

揚劉諸人師李義山可也又師唐彥謙唐詩雖雕斲對偶然求  
如一杯三尺之聯惜不多見五言叙亂離云不見泥函谷俄驚  
大建章剪茅行殿濕伐相舊陵香語猶渾成未甚破碎若西崑  
酬侶集對偶字面雖工而佳句可錄者殊少宜為歐公之所厭  
也

王元之被遇熙陵知制誥因採徐鉉敗商州為內相因議孝章  
后喪敗滁州真皇登極召還將用矣其詩乃云兩制舊臣生白  
髮一番新貴上青天未幾再謫黃州遷蘄州而卒豈新貴有所

未平乎

王元之挽趙中令云太常草儀注全似葬周公足以稱其勛業  
魏野五言云常憐李斯首不及嚴光足真處士語也潘閔云白  
日昇天易清朝取士難野聘召而不至閔叫呼而求用與張元  
姚嗣宗何異

潘閔客舍詩土床安枕穩紙被轉身鳴定非慵便枕玉涼繡被  
春寒夜者所能道也

詩家評論古人多是書生空言尔晏元獻書平津侯傳云主父  
仲舒客不得未知賓閣是何人公能客富歐二公於門下然後  
可以為此言但主父非仲舒之倫宜以汲黯代之

夏英公宮詞云絳唇不敢深注却怕香脂汗玉簫不減香奩  
花間之作王岐公夫人閣端午帖子云後苑尋青趁午前歸來  
競聞玉欄邊袖中獨有香芸草留與君王辟蠹編出新意於綵  
絲巧粽之外可喜也

將飛更作迴風舞已落猶成半面粧宋景文落花詩也為世所  
稱然李義山固云落時猶自舞掃後更聞香李下句尤妙

君謨襄以詩寄歐公上卷云先朝楊劉風采聳動天下至今使  
人傾想世謂公尤惡楊劉之作而其言如此豈公特惡其碑板  
奏疏磔裂古文為偶儻者其詩之精工律切者自不可廢歟又  
云近時蘓舜欽梅堯佐二窮士尔主張風雅人士歸之自二窮



人死文士滿朝而使斯道寂然中絕每念此事竊歎乃知文士滿朝而詩道寂然不但近歲祖宗盛時固已然矣歐帖在鄭子敬左司家

歐公詩如昌黎不當以詩論本朝詩惟宛陵先臣為開山祖師宛陵出然後柔濮之哇淫稍熄風雅之氣脉復續其功不在歐尹下世之學梅詩者率以為淡集中如葑上春田潤蘆中走吏參鳥程海貨通閭市漁歌入縣樓餘姚白水照茅屋清風生稻

花 霜落熊升樹林空鹿飲溪 河漢微分練星辰淡布

螢 每令夫結友不為子求郎 挽齊國長公主 山形無地接寺界與

波分金山山風來虎嘯江雨過龍腥之類殊不草也蓋逐字逐

句銖也而較者決不足大家數而前輩號大家數者亦未嘗不留意於句律也

蘇子美歌行雄放於聖俞昂藏不羈如其為人及蟠屈為吳體則極平夷妥帖絕句云別院深也夏簟清石榴開遍透簾明樹陰滿地日卓午夢覺流鶯時一聲又云春陰垂野草青也特有幽花一樹明晚泊孤舟古祠下滿川風雨看潮生極似常蘇州垂虹亭觀中秋月云佛氏解為銀色界仙家多住玉華宮極工而世惟詠其上 一聯金餅彩虹之句何也山蟬帶響穿疎戶野

蔓蟠青入破窓亦佳句

子美送李生云李生以病廢東入徂徠峯志氣尚突兀形骸已

龍鍾男兒生世間有如絕壑松誤為風雷傷不與匠石逢哀哉  
千尺幹摧朽似秋蓬此詩悲壯之甚李生何如人足以當之竊  
意子美自謂也

鴈湖注半山歸腸胃一夜統鍾山之句引韓昌黎詩腸胃統萬  
象非也孫堅母懷妊堅夢腸出統吳閭門半山本此見吳志和  
王賢良龜詩云世論妄以蟲疑冰注雖引莊子但出處無疑字  
意公別有所本後讀盧鴻嵩山十志有疑冰之語又唐考謙中  
秋詩云霧淨不容玄豹隱冰寒却恐夏虫疑乃知唐人已屢用  
之矣

半山

王安石

挽裕陵云玉暗蛟龍蟄金寒鴈鶩飛挽吳春卿云曲

突非無驗方穿有不行鍊字斷對無遺巧

劉原父詠春草云春草綿綿不可名水邊原上亂抽榮似嫌車

馬繁華處總入城門便不生 貢父絕句云青苔滿地初晴後

綠樹無人畫夢餘惟有南風舊相識逗開門戶又翻書皆有元  
和意度不似本朝人詩

劉貢父詠史云自古邊功緣底事多因嬖倖欲封侯不如直與  
黃金印惜取沙場萬髑髏往已指王韶李憲輩 唐人曹松亦  
云憑君莫話封侯事一將功成萬骨枯

王逢原暑早苦熱云清風無力屠得熱落日着翅飛上山人困  
已懼江海竭天豈不惜河漢乾崑崙之高有積雪蓬萊之遠常



遺寒不能手提天下往何忍身去遊其間其骨氣老蒼識度高遠如此豈得不為荆公所推

富公由并州入相外庭至於舉劾相賀王逢原獨云要須待見成堯舜未敢輕浮作頌聲所見高於石徂徠一等矣荅孫莘老云生無人愧寧非樂死有天知豈待名其固窮自守亦士之高致也

王逢原聞鴈云萬里波濤九秋後五更風雨一燈旁不待着鴈字而題見矣

滕白題沃川村舍云種茶品接紅霞塢灌稻泉生白石根嗜腹老翁頭似雪海棠花底戲兒孫可入圖畫

坡詩畧如昌黎有汗漫者有典嚴者有麗縟者有簡澹者翁張開闔千變萬態蓋自以其氣魄力量為之然非本色也他人無許大氣魄力量恐不可學和陶之作如海東青西極馬一瞬千里了不為韻束縛

陳洙書御史臺壁云清朝無事諫章踈竊祿經年臥直廬惆悵平生不如夢春來三度到溪居與荆公三年衣染禁城塵撫事茫然愧古人明月滄波江萬頃扁舟長載夢中身之作暗合

唐子西諸文皆高不獨詩也其出稍晚使及坡門當不在秦觀

鬼補之之下集中有聞坡貶惠州詩云元氣脫形數運動天地內東坡未離人豈比元氣大天地不能容伸舒輒有礙低頭不



能仰閉口為敢效東坡坦率老局促應難耐何當與道俱逍遙  
天地外此詩甚佳狀得出

潮田無惡歲酒國有長春草木疑靈藥漁樵或異人花開不旋  
踵草雜復齊腰團扇侵時令方書遣晝長問學兼儒釋交游半  
士農國計中宵切家書隔歲通閩河先攏遠天地小臣孤山靜  
似太古日長如小年皆唐子西惠州詩也曲盡南州景物略無  
遷謫悲酸之態七言如身雜蟄中誰是我食除蛇外總誰鄉驥  
子能吟青玉案木蘭堪戰黑山頭亦甚工

後人取前作翻騰勤辨有工於前作者唐子西過田橫墓云滄  
溟無際何妨死却死東都未耿光乃反追之祭文之意此詩必

有謂不獨為橫發

元祐後詩人迭起一種則波瀾富而句律疎一種則煅煉精而  
情性遠要知不出蘇黃二體而已及簡齋出始以老杜為師墨  
梅之類尚是少作建炎以後避地湖嶠行路萬里詩益奇壯元  
日云後飲屠蘇驚已老長乘舴艋竟安歸除夕云多事鬢毛隨  
節換盡情燈火向人明記宣靖事云東南鬼火成何事終待

作事臣

謂方臘不能為  
患直待粘斡耳

岳陽樓云登臨吳蜀橫分地徙倚湖

山欲暮時又云乾坤萬事集鬚髻凄臣子一謫今五年聞德音云  
自古安危閑政事隨時憂喜到漁樵五言云泊舟華陰縣湖水  
終夜明淒然不能寐左右菰蒲聲窮途事多違勝處心亦驚三

更螢火開萬里天河橫腐儒憂平世况復值甲兵終然無寸策  
白髮滿頭生造次不忘憂愛以簡嚴掃繁禱以雄渾代尖巧第  
其品格故當<sub>在</sub>諸家之上

徐師川聞捷云時<sub>上</sub>傳破虜日<sub>上</sub>問修門又云諸公宜努力荆  
棘已千村陳簡齋感事云風斷黃龍府雲移白鷺洲菊花紛四  
野作意為誰秋頗逼老杜

宣靖之禍自滅遼取燕始韓子蒼絳挽中山韓即云金絮盟猶  
在灰釘事已新語妙而意婉上句指韓下句指童蔡作詩法當  
如此

崔德符詩幽麗高遠子不蹈襲蓋用功最深者觀魚云小魚喜

親人可釣亦可網大魚自有神隱見誰能量老禪雖無心施食  
不肯嘗時於千尋底霍見如龍章桃花云如何一朽株孕此千  
億花雖云行且闌明歲亦再華豈知世上人一老不復佳過湖  
云誰見詩頗<sub>上</sub>發時鄱陽湖裏月明知無人為覓昭華管自捲  
秋蘆片葉吹皆精詣可吟諷

江端友字子我鄰幾之孫靖康間以布衣召用同時詩人感慨  
北狩南渡之作多笑子我云楚欵圖周鼎湯猶繫夏臺又云比  
年熒惑犯南斗何日燕人祭北門事的切而語回互  
江子我詠象云倉舒止用兒童計亦自能知尔重輕蓋用王內  
翰元之訛玩張相齋賢之語但含蓄而不刻露尔



朱希真七言如幾許少年春欲夏一番夢事綠催紅過時不語  
鶯解爭怕客深藏魚見机人間萬事老無味天下四時秋最愁  
五言如剪茅編鶴屋節奉聚雞報燈火見窺研再急犬穿籬皆  
警策不蹈襲

前輩記朱新仲舍人天氣未佳宜且住風濤如此亦安歸之朕  
取其自然不煩斷削然新仲此等句尚多如招郭侯飲云此時  
老子興不淺旦日將軍幸早臨如何以報之青玉案我姑酌彼  
黃金壘凡引用前人語皆蟠屈排弄使之妥帖他句如滿地落  
花春病酒一簾明月夜登樓相親多謝風標子可欺豈無瀟洒  
侯何從可覓秋消息忽有先鋒到白蘋如水篆行科斗林樵轉  
畫眉若不經思而俱出人意表讀杜詩云縱之逼論劍收之入  
擅弓尤前人所未發也

劉屏山題李忠愍集云二帝蒙塵方幸六臣奉筆更朝梁叙  
當時事忠憤悲壯尹少稷聞傷齊入寇云酌功不惜賞千布送  
死惟堪縛一驢足與前句相上下

先朝上元駕御端門示與民同樂之意而已宣和間燈尤盛至  
於騎年連月警蹕夜出尹少稷靖康元夕詩云景陰只是當時  
路不見金錢打着人劉屏山亦云淒涼但有雲頭月曾照當時  
步輦歸皆記向來期門之事

汴都角妓却六李師多見前輩雜記却即蔡奴也元豐中命



待詔崔白圖其貌入禁中師曰著名宣和入至掖庭頃見鄭左  
司子敬云汪端明家有李師曰傳欲借抄不果劉屏山詩云輦  
轂繁華事可傷師曰垂老過湖湘縷衣檀板無顏色一曲當年  
動帝王亦前人感慨杜秋娘梨園子弟之類

茶山種竹云餘子不足數此君何可無上句雖非竹事不覺率  
動荔支云絕知高韻傾瓌柱未覺豐肌病玉環上下句皆切又  
妙於融化送別云不堪相背處何況獨歸時行役云一寸客亭  
燭數聲村舍雞絕似唐人

紹興初虜歸我河南識者知和約之不堅久錢氏之後自中原  
遷奉三世表柩寔於越上諸公皆為哀挽茶山獨云摸金干騎

去理玉幾人歸可謂妙於用事余為袁守項容孫被召過袁自  
言其先世墳域在沙市者皆已遷葬公安國愈感矣士大夫得  
無感慨乎

王嘉叟侍郎柳色知春淺鐘聲覺寺深避虎連村靜分魚一市  
腥之句甚佳

初以鹽鈔僧牒糶軍儲夏均父詩云坐食今添幾支遁莫鹽那  
得百弘羊反本之論也

趙忠簡當國以近臣薦起處士劉致中至則趙去秦代之矣劉  
報罷歸尹少稷東之云徒然五侍從不辦一書生史相力薦放  
翁賜第其去國自是臺評然王景文乃云直翁自了平生事不

了山陰陸務觀放翁見詩亦笑云我字務觀乃去聲如何把作平聲押了

陸放翁少時調官臨安得句云小樓一夜聽春雨深巷明朝賣杏花傳入禁中思陵稱賞由是知名

古人好對偶被放翁用盡箱紙尾摸床棧烈士壯心狂奴

故態生希李廣名飛將死慕劉伶贈醉侯下澤乘車上方

請劍酒寧剩欠尋常債劍不虛施細碎讐空虛腹壘塊骨

愛山入骨髓嗜酒在膏肓手版肩輿鬼子天公貴人

自作宣明面老子曾聞正始音床頭周易架上漢書溫卷

熱官醉學完病維摩無事飲不平鳴乞米帖借車詩

趙道士楮先生土偶天公長劍挂頰短衣掩脰已得丹

換骨肯求香返魂子午谷丁卯橋洛陽二頃光範三書

酒聖錢愚茶七椀稷三升一彈指三折肱天女散花麻

姑擲米玉麈尾金裹蹄虎頭鷄肋金鷄背玉鞭韉客

至難令三握髮佛來僅可小低頭百衲琴雙鉤帖藏經閣

帖維摩病說法虞卿窮著書讀書十紙上樹千回風漢

醉侯見虎猶攘臂逢狐肯叩頭天愛酒地理憂一齒落

二毛侵癡頑老矍鑠翁曲肱縱理竹卽木客百錢挂

杖一錘隨身百甕齏兩團素鍊炭勞薪銅臭飯香記

書身大如椰子忍事癯生似鉢壺笑爾輩愛吾廬僧坐爨

士防秋 塵尾請談蠅頭細字 巖下電霧中花 唐夾寨楚  
成阜 劍南集八十五卷八千五百首別集七卷不預焉似此  
者不可殫舉姑記一二於此

近歲詩人雜駁者堆隊伏空疎者窘材料出奇者費搜索縛律  
者少變化惟故翁記問足以貫通力量足以驅使才思足以發  
越氣魄足以陵暴南渡而後故當為一大宗末年云客從謝事  
歸時散詩到無人愛處工又云外物不移方是學俗人猶愛未  
為詩則皮毛落盡矣

舊讀揚誠齋絕句云飽喜飢嘆笑殺儂鳳凰未必勝狙公幸逃  
暮四朝三外猶在桐花竹實中不曉所謂晚始悟其微意此自

江東漕奉祠歸之作也鳳雖不聽命於狙公然猶待桐花竹實  
而飽以花實况祠廩也欲併祠廩掃空之尔未幾遂請挂冠  
誠齋挽張魏公云出畫民猶望迴軍敵尚疑只十箇字而道盡

魏公一生其得人心且為虜所畏與夫罷相解都督時事皆在  
裏許然讀者都草草看了

今人不能道語被誠齋道盡 宿草春風又新汗去歲無 江

水夜韶樂海棠春貴妃 橘中招綺夏瓜處屏任文 東宮 晉

殿吳宮備碧草王亭謝館儘黃鸝 春歸便肯平 過須做桐

花一信寒 東風染得千紅紫曾有西風半點香 年 不帶

看花福不是愁中即病中 昇平不在簫韶裏只在諸村打稻



聲 六朝未可輕嘲謗王謝諸賢不偶然 山根玉泉仰面飛  
飛出山頂却下馳自從庠阜馮雙練至今銀灣乾兩支雷聲驚  
裂龍伯眼雪點濺濕姮娥衣寄言蘇二李十二莫愁瀑布無新

詩題漱  
玉亭

羲和夢破欲啟行紫金畢通啼一聲 從天上落人世千村萬  
落鷄爭鳴素娥西征未歸去簸弄銀盤浣風露一丸玉彈東飛  
來打落桂林雪毛兔誰將紅錦幕半天赤光絳氣貫山川須臾  
却駕丹砂轂推上寒空報蒼玉詩翁已行十里強羲和早起道  
無雙羲娥 子雲到老不曉事不信人間有許由 釣臺  
放翁學力也似杜甫誠齋天分也似李白 放翁云膽薄沽官

釀醱昏讀監書杜荀鶴云欺春祇愛和醅酒諱老猶看夾注書

二聯皆佳

李伯紀丞相過海絕句云假使黑風漂蕩去不妨乘興訪蓬萊  
與坡公九死南荒吾不恨茲游奇絕冠平生之句殆相伯仲異  
乎李天饒盧多遜劣愁無聊之作矣

卿相陳魏公去位詩云病深老迫宜歸去莫作留侯范蠡看時  
公年五十四而其言如此

艾軒讀江西詩云神仙本自無言說尸解由來最下方

山谷與坡公云只欠小蠻樊素在我知造物愛公深屏山問李

漢老病云欲袖雲門竹篋子室中驅出散花人愛朋友之言也

白公云病與樂天相伴住春同樊子一時歸放翁云九十老農  
緣底健一生強半是單棲自愛之言也

陳邦元以金陵降虜游士或題其先隴云牙郎一去杳無蹤惟  
有青丘夾迳松若使人能全此操松應合受大夫封其家執而  
訟于郡某守餉士人酒遣去牙郎用唐人賣國語

范石湖賞海棠云憶向宣華夜倚闌花光妍暖月光寒如今躡  
珮嫌風露且只銅瓶滿插看宣華王蜀宮名也

蕭千巖机杼與誠齋同但才性於誠齋而思加苦亦一生屯蹇  
之驗同時誠齋獎重以配范石湖尤遂初陸放翁而放翁絕無  
一字及之今摘其律帖精詣不甚費研尋者於此 著語能奇

怪呼天與倡酬中秋疾是建德國乃為淵明先失脚墮榛莽劉  
伶扶我還和陶乾坤生長我貧病怨尤誰 湘妃危立凍蛟

背海月冷掛珊瑚枝醜怪驚人能嫵媚斷魂只有曉寒知 百  
千年蘚着枯樹一兩點春供老枝絕壁笛聲那得到直愁斜日

凍蜂知古梅造物巧能相補得破慳賒與一天秋山中六一節

時到崔嵬上有底勲勞得給扶 秋浩蕩中遙指點一螺許是

定王城 渡湘 稚子推窓窺過鴈數峯乘隙入西軒 眼冷寒梢

明數點知他是雪是梅花 秋陽直為田家計饒得漁村一抹  
紅真誠齋敵手也

故參與龔公行役過一山有老木蒼天再過其山童矣屈人云

巨室以此造屋公記以一絕云千章古木轉頭空去與人間作棟隆未必真能庇寒士不如留此貯清風晦翁後見此詩歎曰此龔公一生詩識意謂公初為諫官員重名晚不必為執政也黃芻季野名士也既登第夢婦人素服扇上題云恨青君袖短誤妾白羅粧季野遂不肯婚余大父著作與之友善責以嗣續大義陳魏公素重其人以聶夫人女弟歸之既娶宛然夢中所見者季野果天無子大父葬之於吾家祖塋

李鴈湖悼亡云一杯謾道愁能遣幾度醒來錯喚君然元稹已云怪來醒後傍人泣醉裏時時錯問君此猶暗合若四靈唐碑入宋稀與唐人隋柳入唐疎之句則是明犯

安晚丞相昭君詩云解移尤物柔強虜延壽當年合議功意新而理長

杭相李文靖乞去題六和塔云經從塔下幾春秋每恨無因到上頭今日始知高處險不如歸卧舊林立

高續古題四聖觀云射熊館暗花扶屐下鵲地深柳拂舟極藻繪追琢之功二宋殆不能過晚兼都官題直舍云無詩如鄭谷有髮似馮唐亦警策

趙忠定當國招蔡季通不至猶坐趙黨謫死道州偽禁方嚴朱文公題其墓云有宋西山蔡季通之墓章泉哭之云鶻叫春林辱贈詩鴈迴湘浦忽傳悲蘭枯蕙死迷三楚雨暗煙昏礙九疑



蚤日力辭公府檄暮年名入黨人碑嗚呼季子延陵字不待錄  
詞行可知是時章泉句律如此宜為一世所宗晚年詩太坦率  
幾於鳳德之衰矣

趙南塘挽餘干相云柩前留素仗簾下進黃袍語簡而事該又  
云漢閣新圖迥秦箏舊曲長挽鞏仲至云萬卷非其崇單方或  
以封有無窮之味和韓仲止懷蹈中弟云黃臺瓜辭可憐美老  
根連蒂摘都稀風流遂至尔身盡衰病况堪吾道非少日槩棋  
豪索酒暮年絲竹淚沾衣人生到此將何遣一卷南華坐掩扉  
立春云蒼規不與圓生智白髮惟添老在身絕句云我欲將君  
洞庭野斜河澹月聽雲和要眇之音也

端平初除拜一新趙南塘起散地掌内制元夕觴客散家集  
有觀傀儡詩云酒闌有感牽絲戲也伴兒童看到明余謂康節  
遂令高卧人歌枕觀兒戲之句盖局外旁觀者之言尔若同局  
而為此言似乎未可

南塘評蹈中詩文貌節奏似常謝信有之至於暮先儒而遐想  
挽名流以自近則居然懸隔南塘惜其未撥棄浮論可謂名言  
其豪心俠氣極力揩磨不盡不若南塘之近道也題會春苑云  
草荒故苑幾春風尚想花開春樹紅欲問當時馬王事寂寥殘  
照野亭中寒食云人家挿柳春將過時節澆松老未歸挽趙從  
善尚書云先朝懷族遠平世責人深皆於近體中有遠意

亡友臨川曾景建博學強記無所不通工詩有金陵百詠同春  
寺云此身終屬侯丞相誰辦金錢贖帝歸澄心堂紙云一幅降  
牋何用許價高緣寫宋文章荆公書堂云愁殺天津橋上客杜  
鵲聲裏兩眉攢皆峭拔有風骨其少作云九十日春晴意少一  
千年事亂時多佳句也

曾景建送蔡季通赴貶云四海朱夫子徵君獨典刑青雲伯夷  
傳白首太玄經有客憐孤憤無人問獨醒瑤琴空鎖匣絃絕不  
堪聽其後景建亦坐詩禍謫春陵而卒

建人朱浚之字哉仲多材藝為詩有思致初夏云忍聽夏禽三  
五弄新紅突過石榴枝秋日云紅渠老去羞明鏡推讓朱榮上

蓼梢趙紫芝一樹木犀供夜雨清香移在菊花枝之句尤覺工  
緻

黃天谷名春伯白玉蟾姓葛名長庚皆自言得道後死乃無他  
異二人頗涉文墨所至墻壁淋漓揮掃能聳動人谷有詩云半  
篙春水一蓑烟抱月懷中枕斗眠說與時人休問我英雄迴首  
即神僊嘗訪蟾值其出題壁云恠訪恠心不在茅君山來相待  
倪曾既誅或託巢鳥以訊當時朝士云衆鳥不喜亦不悲又復  
別尋高樹枝

丁卯和議虜索首謀函首予之或為樂府云寶蓮山下韓家府  
主人飛頭去和虜高九萬吳山絕句云拂曉官來簿錄時未會

吹徹玉參差傍人不忍聽鸚鵡猶向金籠喚太師

范石湖座上客有談劉婕妤者事公與客約賦詞游次公先成  
公不漫作衆亦歛手游詞云暖霽烘晴藥鎖垂楊籠池草閣萬  
熱千縷池上曉光分宿霧日近群芳易吐尋並帶欄邊凝竚不  
信釵頭雙鳳去素寶刀被妾先留住天一笑萬花妬阿嬌好在  
金屋貯甚秋風易得蕭疎扇鳶塵汗一自昭陽宮閉後牆角土  
花無數况多病傷情幽素百花臺上空雨露望紅雲杳杳知何  
處天尺五去無路次公字子明定夫諸孫禮部侍郎操之子詩

詞皆工

疎明瘦直不受東皇識曲取伴春應肯萬紅裏怎着得夜色何

處笛曉寒無柰力若在壽陽宮院一點有人惜玉溲身甫落梅  
詞也身甫嘗為太常博士

潘昉字庭堅落筆皆不凡有鐔津懷舊詞云怕見倚欄杆閣下  
溪聲閣外山空有舊時小共水前歡暮雨朝雲去不還想是躡  
飛鳶月下時口認佩環月又漸低霜又下更闌折得梅花獨自  
看

余涉世齟齬每誦歐公平生名節為後生描畫略盡之言輒為  
慨然晚逐於朝交游皆掉臂去惟湯伯紀寄書詩云唐朝空自  
貴宏詞科目何嘗得退之掌制徒聞誇子厚殘編僅見命敦詩  
堪嗟實錄無完傳太息淮西有後碑寄語莆田紫微老文章蓋



世例如斯余曰不足以當此詩然在西掖草制七十不止一首  
伯紀未之見尔

後村詩話序

後峰黃鞏

詩豈易言哉昔人謂詩話實具文筆固宜作者之不易也唐宋  
以來文章之事多矣若詩話之可傳者亦僅十數家而止尔吾  
莆先正後村先生詩話二卷列諸後村集中集久不行故雖鄉  
之人亦有弗及見者太僕少卿陶園楊公始為表章而壽之梓  
海內吟壇咸以先親為快况其鄉之人也耶先生二劉諸孫早  
傳家學及從真西氏遊造詣益深攷其立朝本末如疏内降坐  
忤當國號濟即寃坐劾罷疏史嵩之又坐劾罷當制不草史字  
之荅詔又坐褫職大節嶙然無愧家法是豈洩忍媿阿從人求  
富貴者而世之君子故猶以其晚年一出置餘論焉故予之序

詩話也獨舉其平生

後村居士集卷第十九

詩餘

哨遍

昔坡公以盤谷序配歸去來詞然陶詞既彙括入律韓序則未也暇日游方氏龍山別墅試效顰為之伺主人刻之崖石云

勝處可宮平處可田泉土尤甘美深復深路圯住人稀有人兮  
盤旋於此送子歸是他隱居求志是要明主媒當世嗟此意誰  
論其言甚壯孔顏猶有遺旨大丈夫之被過於時入則坐廟朝  
出旗麾列屋名姬夾道武夫滿前才子噫有命存焉吾非惡  
此而逃之富貴人所歆如之何幸而致向茂樹堪休清泉可濯  
谷中別有閑天地况繪細於絲巖甜似蜜采於山釣於水大夫

夫不遇之所為唐處士依稀是吾師覺山林尊如朝市五侯門  
下賓客擾。趨形勢嗟盤之樂誰爭子所占斷千秋萬歲呼僮  
秣馬更膏車便與君從此逝矣

六州歌頭 客贈牡丹

維摩病起兀坐等枯枝清晨裏誰來問是文殊遣名姝奪盡群  
花色浴綵出醞初解千萬態嬌無力因相扶絕代佳人不入金  
張室却訪吾廬對茶鐺禪榻笑殺此翁矐珠罄金壺始肖渠  
憶承平日繁華事修成譜寫成圖竒絕甚歐公記蔡公書一自  
京華隔問姚魏竟何如都應是彩雲散劫灰餘野鹿啣將花去  
休回首河洛立墟謾傷春吊古夢繞漢唐都歌罷敬啟

賀新郎

吾少多竒節頗椰榆玉闕定遠壺頭新息一劍防身行萬里選  
甚南溟北極看塞雁銜來秋色不但槩棋誇妙手管城君亦自  
無勅敵終賈輩恐難匹酒腸詩胆新來窄向西風登高望遠  
亂山斜日安得良弓并快馬聊與諸公角力漫醉把闌干頻拍  
莫恨寒蟾離海晚待與君秉燭游今夕歡易買健難得

賀新郎 送陳倉部知真州

北望神州路試平章這場公事怎生分付記得太行山百萬魯  
入宗爺駕取今把作握蛇騎虎君去京東豪傑喜想投戈下拜  
真吾父談笑裏定齊魯兩河蕭瑟惟狐兔問當年祖生去後



有人來否多少新亭揮淚客誰夢中原塊土笑事業須由人做  
應笑書生心膽怯向車中閉置如新婦空目送塞鴻去

賀新郎 杜子昕凱歌

盡說番和漢這琵琶依稀似曲蕭然絃斷作麼一年來一度欺  
得南人技短歎幾處城危如卯元凱後身居玉帳報君休作尋  
常看布嚴令運奇算 開門決閉雌雄判笑中宵奚車種屋歎  
驚禽散箇上魏冠橫塵柄誰了君王此段也莫靠長江能限不  
論周郎并幼度便仲尼復起嗟微管馳露布燕京觀

賀新郎 跋唐伯玉奏稿

宣引東華去似當年文皇親擢馬周徒步殿上風霜生白簡下

殿扁舟已具志不与官家留任古有一言要相印誰教他滿篋  
櫻鱗疏還芴退不迴顧 新來邊報猶飛羽問諸公可無長策  
少寬明主攀檻朱雲頭雪白流落如今底處但一片丹心如故  
賴有越臺堪眺望那中原莫已平安否風色惡海天暮

賀新郎 送唐伯玉還朝

驛騎聯翩至道臺家籌邊方急酒行姑止作麼携將琴鶴去不  
管州人墮淚富與貴平生無味可但紅塵難着脚便山林未有  
安身地搔白髮兀相對 前身小范疑公是憶當年天章閣上  
建明尤偉慶曆諸賢方得路便不容他老子須著故延州城裏  
一句殷勤牢記取在朝廷最好圖西事何必向玉關外

賀新郎送黃成父還朝

飛詔從天下道中朝名流欲盡君王思賈時事祇今堪痛哭未  
可徐口俟駕好着手扶將宗社多少法造龍象衆聽靈山囑付  
些兒話千百世要傳寫子方行矣乘驄馬又送他江南太史  
去游禮屢老我伴身惟有影倚徧風軒月榭悵玉手何時重把  
君向柳邊花底問者貞元朝士誰存者桃滿觀幾開謝

賀新郎戊戌壽張史君九月十八日

南國秋容晚晚寒輕芙蓉臺榭拒霜池館試向壺山堂上望萬  
頃黃雲刈遍總喫着君侯方寸不要漢庭誇擊斷要史家編入  
循良傳春脚到福星現家口香火人願要還他慶元狝座  
建炎蟬冕穩奉安輿迎兩國誰謂山遙水遠福壽比河沙難算  
來歲而今黃花節早驂寫入侍瑤池宴風浩蕩海清淺

賀新郎端午

深院榴花吐畫簾開練衣純扇午風清暑兒女紛紛誇結束新  
樣釵符艾虎早已有游人觀渡老大逢場慵作戲任陌頭年少  
爭旗鼓溪雨急浪花舞靈均標致高如許憶生平既綴蘭佩  
更懷椒糝誰信騷魂千載後波底蛩涎角黍又說是蛟饌龍怒  
把似而今醒到了料當年醉死差無苦聊一笑弔千古

賀新郎九日

湛湛長空黑更那堪斜風細雨亂愁如織老眼平生空四海賴

有高樓百尺看浩蕩千崖秋色白髮書生神州淚儘淒涼不向  
斗山滴追往事去無迹少年自負凌雲筆到而今春華落盡  
滿懷蕭瑟常恨世人新意少愛說南朝狂客記破帽年已拈出  
若對黃花孤負酒怕黃花也笑人岑寂鴻北去日西匿

賀新郎 寄題 聶侍郎 齋 臺

絕頂規危樹參高寒鳥飛不過雲生其下斤斲無聲人按堵翕  
忽青紅變化覽城郭山川如畫閣老鳳樓修造手笑談間突出  
凌雲屢臺上景買無價 唾壺塵尾登臨暇似當年滁陽太守  
歐陽公也傾倒賴江供硯滴判斷雪天月夜更換取鄒枚司馬  
銅雀凌敲歌舞散訪殘磚斷甃無存者餘翰墨被風雅

賀新郎

動地東風起畫橋西遶溪桑柘漫山桃李寂已墻陰蒼苔暹猶  
印前回履齒驚歲月颼馳雲駛太息攀翻長亭樹是先生手種  
今如此君不樂欲何俟 傍人錯會淵明意笑斯翁皇已汲已  
登山臨水佳處徑呼藍輿去髣髴柴桑栗里從我者門生兒子  
嘗試平章先賢傳屈原醒不似劉伶醉判醕已卧花底

賀新郎 宋菴訪 壽

鵲報千林喜還猛省謝家池館早寒天氣要与瑤姬叙離索草  
草杯盤籍地却減盡何郎才思不願玉堂并金屋願年已歲已  
花間醉餐秀色挹高致 西園飛盡東山枝問何如半山雪裏



孤山烟外管甚夜深風露冷人與長餅共睡任翠羽枝頭多事  
老子平生無他過為梅花受取風流罪簪白髮莫教墜

賀新郎

溪上收殘雨倚画欄薄綿乍脫日陰亭午開市不知春色處散  
在荒園廢墅漸小白長經無數客子雖非河陽令也隨緣暫作  
鶯花主那可負甕中醕碧雲回合千巖暮恨匆匆余方有事  
子姑歸去趁取群芳未搖落暇日魚蝦就煮歎激電光陰如許  
回首明年何處在問桃花尚記劉郎否公莫笑醉中語

賀新郎 和詠茶蘼

曾與瑤姬約恍相逢翠裳搖曳珠鞵聯絡風露青冥非人世攬

結玉龍驂鶴愛萬朵千條纖弱禱祝花神憐惜取到開時晴雨  
須斟酌枝上雪莫銷却惱人匹似中狂藥凭危欄燭光交映

樂聲遙作身上春衫香薰透看到參橫月落筭茉莉猶低一着  
坐有緱山玉郎子倚玉簫度曲難為酢君不飲鑄何成錯

賀新郎 用前韻賦黃荼蘼

想赴瑤池約向東風名姬駿馬翠韉金絡太液池邊鵲群下又  
似南樓呼鶴畫不就穠纖嬌弱羅帕封香來天上瀉銅盤沉瀝  
供清酌春去也被留却芳魂再反應無藥似詩詠綠衣黃裏  
感傷而作愛惜尚嫌蜂採去何況流鶯蹴落且放下珠簾遮着  
除却江南黃九外何人敢與花酬酢君認取莫教錯

賀新郎 客贈芍藥

一夢揚州事。畫堂深、金瓶萬朵，元戎高會。座上祥雲層層起，不減洛中姚魏。歎別後、關山迢遞。國色天香，何處在。想東風猶憶狂書記。驚歲月、一彈指。數枝清曉，煩馳騎，向小窗依稀重見。蕪城妖麗，料得花憐儂，銷瘦儂亦憐。花憔悴，漫悵望竹西歌吹。老矣應無騎鶴日。但春衫點點，當時淚，那更有舊情味。

賀新郎 再用約字

淺把宮黃約細端。相普陀烟裏，金身珠絡，萼綠華，輕羅襪，小飛下。祥雲仙鶴，朵兒賽蜂腰，纖弱已被色香撩。病思儘，鵝兒酒美無多酌。看不足，怕殘却。人間難得傷春藥，更枝頭流鶯喚起。

少年狂作首，取姚家花，相伴羞與萬紅同落。未肯讓臘梅先着。樂府今無黃絹手，問斯人清唱，何人醉休草。認題錯。

賀新郎 却宴和韻

草上池亭宴。又何須珠鞵絡臂，琵琶遮面。賓主一時詞翰手，倏忽龍蛇滿案。傳寫處塵飛鷲轉。但得時平魚稻熟，這腐儒不用青精飯。陰霧掃霽華見。使君償了豐年願，便從今也無敲扑也。無厨傳試拂籠紗，看筆記。幾箇標名渠。觀想九牧聞風爭羨。此老飽知民疾苦，早歸來載筆熏風殿。詩有諷賦無勸。

賀新郎 再和前韻

夢斷鈞天宴。恁人間曲吹別調，局翻新面。不見先生痞唾了，怕

殺高臺舊業但掩耳蟬嘶禽轉老去把茅依地主有瓦盆盛酒  
荷包飯停造請免朝見少狂誤發功名願苦會他生前死後  
美官佳傳白髮歸來還自笑管轄希夷古觀看一道水樹堪羨  
妃子將軍嘆未已問匡山何似金鳶殿休更待杜鵑勸

賀新郎 題蒲澗寺

風露驅炎毒記仙翁飄然謫墮吹笙騎鶴歷漢初秦李事山  
下瓜猶未熟過眼見群雄公鹿想得拂衣遊汗漫試回頭劉項  
俱蠻觸斫鯨鱗脯麟肉越人好事因成俗擁遨頭如雲士女  
山南山北問訊先生無恙否齊魯干戈滿目且遊戲扶耆黃木  
不是世無瓜樣素便有來肯飽痴兒腹聊舉酒笑相屬

賀新郎 王實之喜予出嶺命愛姬歌  
新詞以相勞報次其韻

此腹元空洞少年時諸公過矣上天吹送老大被他禁害殺身  
與浮名孰重這鼓笛休拈拈去綵筆擲還殘錦去用江淹鮑昭事願今

生來世無妖夢且飭犢莫吞鳳新來暗啞如翁仲羨玉郎驂  
鳶縹緲玉簫吹動應笑夔州村裏女尖面生愁進奉要絕代傾  
城安用今古何人知此理有吾家酒德先生頌三萬卷謾充棟  
賀新郎 蒙恩主崇禧再用前韻

主判茅君洞有簷間查一喜鵲曉來傳送咒度黃符披戴了此  
度君恩越重僕五任祠廟一南嶽二仙被賀監天隨調弄做取  
散人千百歲笑渠儂一霎却卸夢歌而過鳳兮鳳灌園織屨



希陳仲問先生加齊卿相可無心動除却醴泉中太乙揀箇名  
山自奉那提徑輸地藏用有耳不曾聞黜陟免教人貶駁徂徠  
頌服蘭佩結茅棟

賀新郎 三和

謫下神清洞更遭他柳榆點鬼路傍遮送薄命書生雞肋尔却  
笑尊拳忒重破故紙誰教繙弄一枕茅簷春睡美便周公大聖  
何須夢門前客任題鳳卜隣羊仲并求仲願春來西疇雨足  
土膏犁動白髮巡官占歲稔不問京房翼奉棹與甕從今無用  
醉與老農同擊壤莫隨人技獻嘉禾頌在陋巷勝華棟

賀新郎 席上聞歌有感

妾出於微賤小年時朱絃彈絕玉筍吹遍粗識國風閔睢亂羞  
學流鶯百轉總不涉閨情春怨誰向西隣公子說要珠鞍迎入  
梨花院身未動意先懶主家十二樓連苑那人已靚粧按曲  
綉簾初捲道是華堂簫管唱笑殺街坊拍滾回首望侯門天遠  
我有平生離騷操頗哀而不愠微而婉聊一奏更三歎

賀新郎 生日用寶之來韻

髻雪今十縷更休已痴心欵望故人明主晚學瞿聃無所得不  
解飛昇減度佞曉鼓鼙已過五散盡朝來湯餅客且烹雞要飯  
茅容母怕迴首太行路麟臺學士微雲白便尊前周郎復出  
審音無誤安得春鶯雪兒輩輕拍紅牙按舞也莫笑儂家蠻語

老去山歌尤協律又何須手筆如燕許援琴操促箏柱  
賀新郎 再用前韻

放逐身檻縷被門前群鷗戲狎見推盟主若把士師三黜此老  
子多他兩度神手看名場呼五不會車邊望塵拜免他年青史  
羞潘母勺曲洞是歸路 平生怕道蕭蕭句况新來冠敝弁側  
醉人多誤管甚是非并禮法頓足低昂起舞任百鳥喧啾春語  
欲托朱絃寫悲壯這琴心脉已誰堪許君按拍我調柱

賀新郎 寶之三和有憂邊之語走筆答之

國脉微如縷問長纓何時入手縛將戎主未必人間無好漢誰  
與寬些尺度試看取當年韓五豈有轅城公付授也不干曾遇

驪山母談笑起兩河路 少時棋折魯頌句歎而今登樓攬鏡  
事攪頻誤聞說北風吹面急邊上衝梯屢舞君莫道投鞭虛語  
自古一賢能制難有金湯便可無張許快投筆莫題柱

賀新郎 四用縷字韻為王寶之壽

萬字如鍼縷憶王郎丹墀大對氣為文主貴近傍觀俱失色仰  
止如天聖度笑杜牧成名居五晚面清光猶苦諫似封人慙切  
言君母謫塵世錯行路 當時宜和薰風句又那知青雲一跌  
被才名誤輸與靈和殿前柔軟柳隨風學舞恠兩鳥新來停語不  
是先生高索價問何時宰相先生許學杯祝莫傾柱

賀新郎 寶之用前韻為老母壽戲答

身畔無絲縷但從前練裳練悅做他家主甲子一周加二紀免  
走烏飛幾度賽孔子如來三五徐凌云小如來五鶴髮蕭々無  
可截要一杯留客慙陶母門外草欲迷路朗吟白雪陽春句  
待夫君驍駒不至鶴聲還誤老去聊攀萊子例倒着斑衣戲舞  
記田舍火爐頭語肘後黃金腰下印有高堂未敢將身許且扇  
枕莫倚柱

沁園春 夢方孚君

何處相逢登寶釵樓訪銅雀臺喚厨人所就東溟鯨繪圍人呈  
罷西極龍媒天下英雄使君與操餘子誰堪共酒杯車千兩載  
燕南趙北劍客奇材飲酣画鼓如雷誰信被晨雞輕喚回歎  
年光過盡功名未立書生老去機會方來使李將軍遇高皇帝  
萬戶侯何足道哉披衣起但淒涼感舊忼慨生哀

沁園春 送孫季蕃弔方漕西歸

歲暮天寒一斂飄然幅巾布裘儘綠雲烏道躋攀絕頂拍天鯨  
沒笑傲中流疇昔奇君紫髯鉄面生子當如孫仲謀怎知道向  
中州年猶未建節封侯南來萬里何求因感慨橋公成遠游  
歎名姬駿馬都成昨夢隻雞斗酒誰吊新立天地無情功名有  
命千古英雄只麼休平生客獨羊曇一箇灑淚西州

沁園春 送包尉

我羨君歸一路秋風芙蓉木犀想慈顏望久靈烏乍噪新眉畫



就即馬頻嘶忙脫征衫快呼斗酒細為家人說建谷怎知道這  
中年懷抱最怕分携 大夫南北東西應笑殺離筵粉淚啼悵  
佳人來未碧雲舟 王孫去後芳草萎 明日相思山重水複  
古道人稀茅店鷄元龍老有高樓百尺誰共登梯

沁園春 卷九華葉賢良

一卷陰符二石硬弓百斤寶刀更玉花驄噴鳴鞭電抹烏然欄  
展醉墨龍跳牛角書生虬鬚豪客談笑皆堪折簡招依稀記曾  
請纓繫粵草檄征遼 當年目視雲霄誰信道淒涼今折腰悵  
燕然未勒南歸草 長安不見北望迢 老去胸中有些磊塊  
歌罷還須着酒澆休也但帽邊鬢改鏡裏顏凋

沁園春 同前

我夢見君戴飛霞冠着宮錦袍与牧之高會齊山詩酒謫星同  
載采石風濤萬卷星羅千篇電掃肯學窮兒事楚騷掀髯笑有  
魚龍鼓舞孤兔悲嗥 英雄埋沒蓬蒿誰摸索當年劉典曹款  
事攬易失功名難偶誅茅西嶮種秫東臯柵有雞豚庭無羔雁  
道是先生索價高人間窄待相期海上共摘蟠桃

沁園春

癸卯佛生翌日將曉夢作既醒但易數字

有箇頭陀形等枯株心猶死灰幸春山筍賤無人爭喫夜壚芋  
美興客同煨何處幡花忽相導引莫是天宮迎赴齋又疑道向  
毗耶城裏講席初開 這邊尚自徘徊笑那裏紛紛早見猜有

尊神奮杵拳粗似鉢名緇豎拂喝猛如雷老子無能山僧不會  
誰誤檀那舉請哉山中去便百千億劫休下山來

沁園春 和吳尚書叔永

我所思兮延陵季子別來九春笑是非浮論白衣蒼狗文章定  
價秋月華星獨步岷峨後身坡穎何必荀家有二仁中朝裏看  
叔兮袞斧伯也絲綸洛中曾識机雲記玉立堂上九尺身歎  
茗溪漁艇幽人孤往雁山馬鬣吊客誰經宣室釐殘玄都花謝  
回首舊遊存梵人新腔美堪洗空思怨喚起交情

沁園春 吳永叔尚書和弔舊作再答

莫羨渠儂白玉成樓黃金築臺也不消顛恠騎鱗被髮誰能委

曲令鴉為媒鬢有一毛袖閑雙手只了持螯與把盃公過矣賞  
陳登豪氣杜牧龐才便煩問訊張雷甚斗宿無光劍不迴想  
閣中鳴佩時携客去壁間懸榻近有誰來撤我虎皮讓君牛耳  
誰道兩賢相厄哉中年後向歌闌易感樂極生哀

沁園春 維揚作

遼鶴重來不見繁華只見凋殘甚却無人誦何郎詩句也無人  
報書記平安閣里棋非江山畧是縱有高樓莫倚闌沉吟處但  
螢飛草際鴈起蘆間不辭露宿風餐怕萬里歸來雙鬢班笑  
這邊贏得黑貂裘敝那邊輸了翡翠衾寒撒草泥傳吟戲倚闌  
開到瓊花亦懶看君記取向中州差樂塞地無歡



摸魚兒

怪新年倚樓看鏡清狂渾不如舊暮雲千里傷心處那更亂蟬  
疎柳凝望久愴故國百年陵闕誰迴首功名大謬歎采藥名山  
讀書精舍此計幾時就封侯事久矣輸人妙手滄洲聊作漁  
與高冠長劍渾閑物世上切身惟酒千載後君試看拔山扛鼎  
俱烏有英雄骨朽問顧曲周郎而今還解來聽小詞否

摸魚兒 海棠

甚春來冷烟淒雨朝上遲了芳信驀然作暖晴三日又覺萬株  
嬌困霜點鬢潘令老年已不帶看花分才情減盡悵玉局飛仙  
石湖絕筆辜負這風韻傾城色懊惱佳人薄命墻頭岑寂誰

問東風日暮無聊賴吹得胭脂成粉君細認花共酒古來二事  
天尤吝年光去迅謾綠葉成陰青苔滿地做取異時恨

摸魚兒 用寶之韻

便披蓑荷鋤歸去何須身著宮錦與誰共話桑麻事朱老阮生  
尤稔篩樣瓶甕樣齒長鬚赤脚供樵鉏清流濁品盡掃去胸中  
置諸膜外對酒莫辭飲華胥夢怕殺人驚曉枕疎窓惟月來  
闌一生常被弓旌誤且告朝家追寢愁箇甚君管取有薇堪采  
松堪蔭茅山再任幸不是謀臣又非世將免犯道家禁

一翦梅 袁州解印

陌上行人恠府公還是詩窮還是文窮下車上馬太匆上來是



春風去是秋風  
階街免得帶兵農  
嬉到昏鐘睡到齋  
鐘不消  
提歡與知宮  
喚作山翁喚作溪翁

一剪梅 余赴廣東實之夜餞于風亭

東縕宵行十里強  
挑得詩囊拋了衣裳  
天寒路滑馬蹄僵  
元是  
王郎來送劉郎  
酒酣耳熱說文章  
驚倒隣牆推倒胡床  
傍觀  
拍手笑踈狂踈又何妨  
又何妨

滿庭芳 記夢

涼月如水素濤翻  
雪人世依約三更扁舟乘興莫記水雲程  
忽到一洲奇絕花無數都不知名  
渾疑是芙蓉城裏又似牡丹坪  
蓬萊應不遠天風海浪滿目  
淒清更一聲鉄笛石裂龍驚  
回

顧塵寰局促揮袂去散髮騎鯨  
蘧覺元來是夢鐘動野雞鳴

鷓鴣天 腹疾困睡和朱希真韻

前度看花白髮即平生  
痼疾是清狂幸然無事污青史  
省得教人奏赤章  
游俠窟少年場  
輸他群謝與諸王  
居人不識桑庚

楚弟子誰從魏伯陽

鷓鴣天 戲題周登樂府

詩變齊梁體已澆香奩新製出唐朝  
紛競奏桑間曲寂誰  
知糞下焦  
揮綵筆展紅綃  
十分峭措稱妖嬈  
可憐才子如公  
瑾未有佳人敵小喬

卜筮子 惜海棠

盡是手成持合得天饒借風雨於花有底讎着意相凌藉  
做暖逼教開做冷催教謝不負明年花下人只負栽花者

卜筮子同前

片蝶衣輕点点猩紅小道是天公不惜花百種千般巧  
朝見樹頭繁暮見枝頭少道是天公果惜花雨洗風吹了

卜筮子

亂似盞中絲密似風中絮行遍茫茫禹迹來底是無愁處  
好客挽難留俗事推難去惟有翻身入醉鄉愁歎來無路

後村居士集卷第十九

後村居士集卷第二十

詩餘

滿江紅

金甲瑤戈記當日轅門初立磨盾鼻一揮千紙龍蛇猶濕鉄馬  
曉嘶營壁冷樓船夜渡風濤急有誰憐援臂故將軍無功級  
平戎策從軍什零落盡慵收拾把茶經香傳時温習生怕客  
談揄塞事且教兒誦花間集歎臣之壯也不如人今何及

滿江紅 二月二十四日夜飲海棠花下作

老子年來頗自許心腸鉄石尚一點消磨未盡愛花成癖懊悞  
每嫌寒勒住丁寧莫被晴烘折奈暄風烈日太無情如何得

張畫燭頻。惜憑素手輕。摘更發。番雨過彩雲無迹。今夕不  
來花下飲。明朝空向枝頭覓。對殘紅滿院。杜鵑啼。添愁寂。

滿江紅 題梅谷

赤日黃埃。夢不到清溪翠麓。空健羨君家別墅。幾株幽獨。骨冷  
肌清。偏要月天寒日暮。尤宜竹想主人杖屨。繞千迴山南北。  
寧委澗。嫌金屋。爭映水。羞銀燭。歎出群風韻。昔時糝末。競愛東  
隣姬。傅粉誰憐。空谷人如玉。笑林逋何遜。謾為詩。無人讀。

滿江紅 送宋惠父入江西幕

滿腹詩書。餘事到禳苴。兵法新受了。烏公書幣。着鞭垂發。黃紙  
紅旗。喧道路。黑風青草。空巢穴。向初安宣子。頂頭行。方奇特。

谿洞事聽僮說。龔遂外無長策。便獻俘非勇。納降非怯。帳下健  
兒休盡銳。草間赤子俱求活。到崆峒快寄凱歌來。寬離別。

滿江紅

落日登樓。誰管領倦游狂客。待喚起滄浪漁父。隔江吹笛。看水  
看山。身尚健。憂晴憂雨。頭先白。對暮雲不見美人來。遙天碧。  
山中鶴應相憶。沙上鷺渾相識。想石田茅屋。草深三尺。空有鬢  
如滿。騎省。斷無面見。陶彭澤。便倒傾海水。浣衣塵。難前滌。

滿江紅 送王實之

天壤王郎。數人物方今第一。談笑裏風霆。驚座雲烟生。筆落  
元龍湖海氣。琅。董相天人策。問如何。十載尚青山。諸侯客。



易愛底些官職難保底些名節擬門投轄劇談三日疇昔評君  
天下寶當為天下蒼生惜向臨分慷慨出商聲摧金石

滿江紅祝王實之壽

鶴馭來時長占定一年清絕九萬里緘雲收盡帝青空潤月露  
偏為丹桂地風霜欲放黃花節聽玉笙縹緲度巖山吹初徹  
曾直把龍鱗批曾戲取鯨牙拔向絳河濯足咸池晞髮俗子底  
量吾輩事天仙不在懼儒列世豈無瑤草与蟠桃堪攀掇

滿江紅和王實之韻送鄭伯昌

恠風盲雨留不住江邊行色煩問訊真鴻高士釣鰲詞客千百  
年傳吾輩話二三子繫斯文脉聽王郎一曲玉簫聲淒金石

晞髮處怡山碧垂釣處滄溟白笑而今拙宦他年遺直只願常  
留相見面未宜輕屈平生膝有狂談欲吐且休驚鄰壁

滿江紅四首並和實之

往日封章曾聳動君王玉色今似得三閭公子四明狂客古不  
能箝言者口天方欲壽中朝脉笑人間豈有病無醫須鍼石  
年冉冉袍猶碧心耿耿頭先白笑臣舒迂緩臣山愚直拂袖歸  
來羞矣手望塵拜了難伸膝把富春瀨与首陽山圖齋壁

又

三黜歸來飯蔬食渾無愠色中年後家如旅舍身如行客軒冕  
豈非癡贅具烟霞已是膏肓脉有些見隙地更疏泉堆卷石

鄰媪餉新筍碧溪友賣鮮鱗白向陳編吟笑孔明元直俗事不  
教污兩耳燕居聊可盤雙膝取當年行脚一枝筇懸高壁

又

疇昔臚傳伏下奏祥雲五色何況是西山弟子鶴山賓客上帝  
照臨忠義膽老師付受文章脈問此君彷彿似何人徂徠石  
園官菜登盤碧田舍米翻匙白懶投詩先素寄書杓直德耀不  
嫌為隱髻龜兒已解搖吟膝有誰憐給札老相如家徒壁

又

不見西山料他日面無慙色君記取不為呂黨亦非秦客  
有意挽回當世事無方走得諸賢脉突海波渺幾時平空啣

石園立畝紛紅碧家四世傳清白任天孫笑拙女媀嫌直老  
去何須援以手向來不要加諸膝待深山深處著茅齋看青壁

滿江紅 壽唐夫人

八十加三人盡訝還童返少爭信道夜春曉織總曾經了凜  
共姜當日誓諄々孟母平生教到如今象服擁魚軒天之報  
如船藕如衣棗斑衣舞金鐘醕望秋宵一點老人星照塵世少  
如孃福壽上蒼知得兒忠孝待看他孫子又生孫添懷抱

滿江紅 和吳永叔尚書時吳喪少子

着破青鞵渾不憶躡他龍尾更冷笑痴人擘劃二三百歲瑒子  
彭錢誰壽天靈均漁父爭醒醉向江天極目羨禽魚悠然矣

杯中物姑停止床頭易都拋廢慨事常八九不如人意白雪調  
高尤協律落霞語好終傷綺待煩公老手一摩挲文公記

風入松 福清道中作

橐泉夢斷夜初長別館淒涼細思二十年中事歎人琴已矣俱  
亡改盡潘郎鬢髮銷殘荀令衣香 多年布被冷如霜到處同  
床蕭聲一去無消息但回首天海茫茫舊日風煙草樹而今總  
斷人腸

風入松 同前

歸鞍尚欲小徘徊逆境難排人言酒是銷憂物柰病餘辜負金  
壘蕭瑟搗衣時候淒涼鼓岳懷情 遠林搖落晚風哀野店猶

開多情惟是燈前影伴此翁同去同來逆旅主人相問今迴老  
似前迴

風入松

癸卯至石

十五年前韻

殘更難捱抵年長曉月淒涼芙蓉院落深 閉歎芳卿今在今  
亡絕筆無求風曲痴心有返魂香 起來休鑷鬢邊霜半被堆  
床定歸曉率蓬萊去柰人間無路茫茫緣斷謾三指彈憂來欲  
九迴腸

風入松 全前

攀翻翠樹暫徘徊草草安排昔人徒步陳雞絮愧公家僕馬旣  
壘筆表舊愁滿目黃梁殘夢傷懷 欲將莊列等歡哀對卷慵



開憑高指點虛無路問何年遼鶴歸來宿酒得風漸解小興待  
月同迴

水龍吟二首 己亥自壽

年七歲也今朝左弧懸罷渾無事吾衰久矣吾辰安在老之將  
主懶寫京書怕看除目敗人佳思把東籬掩定北窓開了悠然  
酌顏然睡客有過門投贊道先生訪華晉氏誰能辛苦陪他  
綺語記他奇字屈指先賢戴花老監豈其苗裔待異時約取寬  
夫考國入耆英會

先生放逐方歸不如前輩抽身早人來叩問臺即舊秩散人新  
號起舞非狂行吟非怨高眠非傲歎終南捷徑太行盤谷用鄉

法從吾好 閉了草廬長嘯後將軍來時休報床頭書在古人  
出處今人非笑製箇淡詞呷些薄酒野花簪帽願雲臺任滿又  
還因任賽汾陽考

水龍吟二首 自和前韻

病翁一榻蕭然 劉屏山 不知世有歡娛事雀羅庭院載膠客去

催租人至報答秋光要些酒量要些詩思奈長鯨罷吸寒蛩息  
響茶甌外惟貪睡 窮巷幸無干贖或相過莫知誰氏柴門草  
戶闕人守舍任伊題字自和山歌國風之變離騷之裔待從今  
向去年也強健挿花高會

平生酷愛淵明偶然一出歸來早題詩信意也書甲子也書年

號陶侃孫 見孟嘉甥子疑狂疑傲典柴桑樵牧斜川魚鳥同  
盟後歸于好 除了登臨吟嘯事如天莫相語報田園閑靜市  
朝喧鬧翻頭堪笑節物催人東籬把菊西風吹帽做先生處士  
一生一世不論資考

浪淘沙

紙帳素屏遮 全似僧家無端霜月闌窓紗喚起玉闌征戍夢我  
疊寒笳 歲晚客天涯短髮蒼華今年衰似去年些詩酒新來  
俱倚闌孤負梅花

浪淘沙

疊嶂碧周遭 游子思家掩藏白髮賴烏紗落日倚樓千萬恨社

鼓城笳 老去淡生涯虛擲年華臘茶孟子太清些待得痴見  
公事畢謝了梅花

浪淘沙二首

丁未生日

去歲詣公車 天語勤渠絳紗玉斧照寒儒恰似昔人曾夢到帝  
所清都 骨相太清臞誦墮頰更今年黃勅換稱呼只為此翁  
霜鬢禿老不中書

早歲類寒蛩 晚節遭逢曾開黃卷侍重瞳歸去青藜光照牖塔  
藥翻紅 出畫頗奴七主眷猶濃除官全似紫陽翁 寶文 漳州 換過

新街頭向改又似包公 鄧即得 小龍

念奴嬌 木犀

遠籬尋菊。猶遲舍北芙蓉渾未却是小山叢。  
飄墮約束奴兵丁寧稚子莫掃青苔砌風高露冷倚欄疑匪人  
世客有載酒過予朗吟招隱洗盡悲秋意白髮長官窮似虱  
剛被天公調戲遍地堆金滿空雨粟不濟淵明事殘英賸馥明  
朝猶可全醉

念奴嬌菊

老夫白首尚見嬉廢圃一番料理餐飲落英并墜露重把離騷  
抬起野艷幽香深黃淺白占斷西風裏飛來雙蝶繞叢欲去還  
止嘗試詮次群芳梅花差可伯仲之間耳佛說諸天金色界  
未必莊嚴如此尚友靈均定交元亮結好天隨子籬邊坡下一

杯聊泛霜葉

念奴嬌壬寅生日

比如去歲前年今朝差覺門庭靜玉軸錦標無一首知道先生  
遠佞假使文殊携諸菩薩來問維摩病無花堪散亦無香積齋  
襯回首雪浪驚心黃茅過頂瘴毒如炊甑山鬼海神俱長者  
饒得書生窮命不慕飛仙不貪成佛不要鑽天今年今日白  
頭母子家慶

念奴嬌壽方德潤

卯君來處與眉州仙子依稀同日一自前朝龔蔡後頗覺壺山  
岑寂誰料端平繼居遺補復有斯人出幅巾林下姓名玉座長



憶 須信諛語尤甘忠言最苦橄欖何如蜜諸老蕭疎星欲曉  
留取南都鉄壁洛社自佳鏡湖雖好莫問君王乞年々歳々大  
家同做真率

念奴嬌 丙午鄭少師生日

禁中張讌苦留公未許歸尋初服千載君臣魚有水不比嚴光  
文叔火德中天客星一席草々聊同宿重來凝碧依然廢載相  
屬 過眼夸奪紛々浮雲野馬几度棋翻局客話鳳池三入事  
洗耳湖光一曲伯始泉荒穉珪圓冷占斷西風菊年々歳々金  
英常泛芳醪

木蘭花慢 壽方寔之

瀛洲真學士為底事在紅塵為語觸宮闈沉香亭裏嘆謫仙人  
為親近君側者見萬言策了甚劉蕡為事尚方請劍漢庭多悼  
朱雲 君言往事勿重陳且闔酒邊身也不會區々算他甲子  
記甚唐寅尔曹譬如朝菌又安知老柏与靈椿世上榮華難保  
古來名節如新

木蘭花慢 癸卯生日

病翁將耳順牙齒落鬢毛疎也慙愧君恩放還田舍免詣公車  
見時某立某水到而今老矣可樵漁寶馬華軒無分蹇驢破帽  
如初 浮名箕斗竟成虛唐折總因渠帝錫余別覩江湖聲叟  
山澤仙臞尊前未宜感慨事猶須看歲晏何如衛武耄年作戒

伏生九十傳書

木蘭花慢 送鄭伯昌

古人吾不見君莫是鄭當時更築就山房躬耕谷口名動京師  
諸公任他衰亡與杜陵野老共襟期有客至門先喜得錢沽酒  
何疑 昔年聯轡柳邊歸陳迹恍難追况種桃道士看花君子  
回首皆非相逢故人問訊道劉郎老去久無書把做一場春夢  
覺來莫要尋思

木蘭花 丁未中秋

水亭凝望久期不至擬還差隔翠幌銀屏新眉初畫半面猶遮  
須臾淡烟薄靄被西風掃盡不留些失了白衣蒼狗奪回雪兔

金墓

乘雲徑到玉皇家人世鼓三過試自判此生更看幾度

小住為佳何須如鈎似玦便相將只有半菱花莫遣素娥知道  
和他髮也蒼華

最高樓 戊戌自壽

南嶽後累任作祠官試說與君看仙都玉局總交卸新街又管  
華州山恠先生吟膽壯酒腸寬 去歲擁旌旗稱太守今歲帶  
笈著稱漫叟墻入闌慣投閑有時拂袖尋種放有時携枕就陳  
搏任傍人嘲潦倒笑痴頑

最高樓

再題周登樂府

周郎後直數到清真君莫是前身八音相應諧韶樂一聲未了

落染塵笑而今輕卸客重已人  
只少箇綠珠橫玉笛更少箇  
雪兒彈錦瑟欺賀晏壓黃秦可憐樵唱并菱曲不逢御手与龍  
中且醉眠蓬底月甕間春

臨江仙 縣圃種花

落兔長官江海客少豪萬里尋春而今憔悴向溪濱斷無觴詠  
興惟有薄書塵手種海棠三百本等閑粧點芳辰他年絳雪  
映紅雲丁寧風与月記取種花人

臨江仙

庚子重陽余以漕攝帥唐伯玉前漕黃成父于越  
王臺明年是日寓海豐縣驛作

去歲越王臺上飲席間二客如龍憑高吊古壯懷同馬嘶千嶂  
暮樂奏半天中今歲三家村市裏故人各自西東菊花時節

酒樽空可憐雙雪鬢禁得幾秋風

臨江仙 潮惠道中

不見仙湖能幾日塵沙變盡形容夜來月冷露華濃都忘茅屋  
下但記画船中兩岸綠陰猶未合更須補竹添松最憐几樹  
木芙蓉手栽總數尺別後為誰紅

臨江仙 已酉和寔之灯夕

玉蘂鈿車當日事東塗西抹都曾等閑曲子壓和凝曲子縱遊  
非草已醉強怪已今向三家村送老身如罷講吳僧高樓  
百尺不須登半炉乾葉火一盞勘書燈

昭君怨 牡丹



曾看洛陽舊譜只許姚黃獨步若此廣陵花太虧他  
舊日王侯園圃今日荆榛孤兔君莫說中州拍花愁

昭君怨 瓊華

后土宮中標韻天上人間一本道號玉真妃字瓊姬  
我與花曾半面流落天涯重見莫把玉蕭吹怕驚飛

清平樂 五月十五夜玩月

纖雲掃迹萬頃玻璃色醉跨玉龍遊八極歷歷天青海碧  
水晶宮殿飄香群仙方按霓裳消得兌多風露變教人世清涼

清平樂 同前

風高浪快萬里騎塘背曾識嫦娥真態素面元無粉黛  
身游

銀闕珠宮俯看積氣濛濛醉裏偶搖桂樹人間喚作涼風

清平樂 贈陳參議師文待見

宮腰束素只怕能輕舉好築避風臺護取莫遣鷺鴻飛去  
團香玉溫柔笑顰俱有風流貧與蕭郎眉語不知舞錯伊州

清平樂 丹陽舟中作

休彈別鶴淚與絃俱落歡事中年如水薄懷抱那堪作惡  
昨宵月露高樓今朝烟雨孤舟除是無身方了有身長有閑愁

長相思 惜梅

寒相催暖相催開了開時催謝時十寧花放遲  
角聲吹笛聲吹了南枝吹北極明朝成雪飛

長相思寄遠

朝有時暮有時潮水猶知日兩迴  
人生長別離來有時去有時  
燕子猶知社後歸君行無定期

長相思餞別

風滿雨滿相送津亭折柳條  
春愁不自聊煙過水過  
準擬江邊駐畫橈舟人頻報潮

長相思

烟淒草淒野火原頭燒斷碑  
不知名姓誰印疊冢疊  
纍千萬人中幾箇歸  
榮華朝露晞

長相思

勸一杯後一杯短錦相隨  
死便埋英雄安在哉  
眉不開懷不開

開幸有江邊舊釣臺  
拂衣歸去來

菩薩蠻戲林推

小鬟解事高烧燭  
群花圍繞樗蒲局  
道是五陵兒  
風騷滿肚皮

玉鞭玉馬戲走章臺下  
咲殺灞橋翁  
騎馱風雪中

玉樓春戲林推

年々躍馬長安市  
客舍似家似寄  
青錢換酒日無何  
紅燭呼

盧宵不寐  
芳挑錦婦機  
中字難待  
玉人心下事  
男兒西北有

神州莫滴水西橋  
畔淚

生查子元夕戲陳敬叟

繁燈奪露華，戲鼓侵明燄。物色舊時同，情味中年別。  
淺畫鏡中眉，深拜樓西月。人散市聲收，漸入愁時節。

憶秦娥暮春

游人絕綠陰，滿野芳菲歇。芳菲歇，養蚕天氣採茶時節。枝頭  
杜宇啼成血，陌頭楊柳吹成雪。吹成雪，淡烟微雨江南三月。

憶秦娥上巳

脩禊節，昔人風味終然別。終然別當時賓主至今清絕。寺閑寫就蘭  
亭帖，豈知留與人間說。人間說，永和之歲暮春之月。

憶秦娥

泥滑上一聲，喚征鞍發。征鞍發，客亭楊柳不禁攀折。荀郎

衣上香初歇，蕭娘心下書難說。書難說，霎時吹散一生愁絕。

憶秦娥

春醒薄，夢中裘馬豪如昨。豪如昨，月明橫笛曉寒吹角。古來  
成敗難描摸，而今却悔當時錯。當時錯，鈇衣猶在不堪重著。

憶秦娥

梅謝了，塞垣凍解鴻歸早。鴻歸早，憑伊問訊大梁遺老。浙河  
西面邊聲悄，淮河北去炊烟少。炊烟少，宣和宮殿冷烟衰草。

鵲橋倦 戊戌生朝

金風淅淅，銀河淡淡，少長群賢畢會。平生心事翹生知，恁此夕  
惺惺相對。玄花生眼，新霜點鬢，不肯遮藏老態。人間何處有



仙方擘劃得二三百歲

踏莎行 甲午重九牛山作

日月跳丸光陰脫兔登臨不用深懷古向來吹帽插花人盡隨  
殘照西風去 老矣征衫飄然客路炊煙三兩人家住款携斗  
酒荅秋光山深無覓黃花處

水調歌頭 遊蒲澗追和崔菊坡韵

余頃為儀真即督部白事維揚崔公銑欲羅致屬先受  
制置制使李公之辟崔公使聘洪公舜俞入幕後二十  
五年奉使嶺外拜公祠像俯仰今  
昔輒和公所作水調以寓感慨

勅使竟空返公不出梅関當年玉座記憶反席問平安羽扇尉  
佗城上野服仙遊閣下遼鶴我時還賴有蜀耆舊健筆與書丹

青油士珠履容谷凋殘四方感靡騁獨自尚寬閑丞相祠  
堂何處太傅石碑墮淚木老瀑泉寒往者不可作置酒且登山

再和喜歸

遣作嶺頭使似戍玉門関來時送者舉酒珍重祝身安街上小  
兒拍笑馬上是翁矍鑠頭與壁俱還何處得仙訣髮白頰猶丹  
屋茅破籬菊瘦架籤殘老夫自計甚審忙定不如閑客難揚  
雄拓落友笑王良來往面汗背芒寒再拜謝不敏早晚乞還山

三和 解印期戲作

老子頗更事打透利名関百年擾心于役何異入槐安夢裏偶  
然得意醒後總堪發笑蟻穴駕車還恰佩南柯印彷彿數曹丹

客未散日初暝酒猶殘向來幻境安在回首總成閑莫問浮  
雲起滅且跨剛風遊戲露冷玉簫寒寄語抱朴子候我石樓山  
四和 八月上澣解印別同官席上賦

半世慣歧路不怕唱陽關朝來印綬解去今夕枕初安莫是散  
場優孟又似下邳傀儡脫了戲衫還老去事多忘公莫笑師丹  
筆端花胸中錦兩消殘江湖水草空曠何必養天閑久苦諸  
君共事更盡一杯別酒風露夜深寒回首行樂地明日隔雲山

五和 客散循堤步月而作

落日幾呼渡佳夕每面閑有時來照清淺鬢雪似潘安一曲親  
蒙君賜兩岸更無人迹惟見鷺飛還隙地欠栽接蕉荔雜黃丹

柳全疎松尚幼怕摧殘傍人笑我痴計管鑰費防閑翁意在  
乎林壑客亦知夫水月滿腹貯清寒賦詠羞有愧赤壁與滁山

六和 次夕觴客湖上賦葛仙事

羯虜問周鼎柱史出秦關苦求句漏何意身世遠差安不見點  
鷲墮水時有飛鴻遵渚樂此久忘還采藥寓言耳曾次有靈丹  
釣游處榕葉暗荻花殘自翦仙後千載輸與水鷗閑我讀內  
篇未竟忍被急符驅去洞閉白雲寒回首愧幽子隱約海中山

七和 十三夜同官載酒相別不見月作

恠事廣寒殿此夕不開闔林間烏鵲相賀暫得一枝安只在浮  
雲深處誰駕長風挾取明鏡忽飛還玉兔呼不應難覓白中丹



酒行深歌聽徹笛吹殘嫦娥老去孤令離別正如閑待得銀  
盤擎出只怕玉峯醉倒衰病不禁寒卿去我欲睡辜負此湖山

水調歌頭 癸卯中秋作

老去有奇事天放兩中秋使君飛榭千尺縹緲見麟洲景初東  
徐城上歲月北征詩裏圓缺恍如休俯仰慨今昔惟酒可洗愁  
風露高河漢淡素光流賈胡野老相慶田海十分收競看嫦  
娥金鏡爭信仙人玉斧費了一番修衰年晚筆無力誰伴賦黃

樓

門人迎功即新法參軍林秀發

編次

後村居士集卷第二十





2